

# Edeke Lokagogong Epukorio Kakonyenewok

Philadelphia, Pennsylvania, U.S.A.

64-0629

1 Kijaar eong ikokoron idis iwadikatai ne, luakotor eong ainerakinor kayes kotoma, ido amuno eong ebe isirerengi Edeke agogonguwok naedit.

Kwana, itunga luipu eumokinitos ibore einakinit oni itegelikina ido acelanaros. Ijeni ijo, erai na eipone loka-loka atukonokin naitegelikina adepar nuetapit itunga aanyunun. Ido duc, nginibore kere esubit bala ibore yenemunoi araut kwape ibore yenelem sek. Konye nakibunio oni atukonokineta nu, nuaraunos arerenguka adaun kwana ikar luipu ageun nakegeunere ngun, ido etonikit oni ajenun nuilosoni aswam. Ibuni oni abunore kasodete ainakin awokawat. Ngin bon nges ibore yenijeni oni aswam. Ido mam Edeke iyengi kanuka ngin. Aso ngin nges einakit oni araut itunga luiswamai koipone kalo kitegelikina noi.

Apak kaya, abu icetunganan kotema atiar, "Ijeni ijo, iraa yesi itung alyitegelikina noi."

Abu eong atema ebe, "Eebo, aomit eong-eong ebe itegelikina isio."

2 Ido eitunit eong adiopet kotoma atukonokineta. Ajai Onac Troy alimonokin eong opak adiopet naka etunganan lo Germany loabala ebe abu kodum aibatisao naka Emoyo Lokalaunan. Ido opak natupakini kotoma oiduka neswamai ngesi, apedori ngesi akeun akekanin kosodi aitur Ejakait, kosodi einer kotoma angajepa ido inyikokinite aswam, koipone kalo aumokina. Ido awasiake, abu lokapolon kobu kosodi atemar nges atiar, "Heini, inyobo akonitionis?"

Abu ngesi koteme atiar, "Oo, abu eong etajarun." Ebala, "Ilubuluba ekatau kede aiyalama."

Kotema nges atiar, "Eebo, ekoto ijo kojauna laiije kede atukos ngun luemunaara akwes kokqap kalaije."

Ebala ebe, "Eebo, Abuses kojai neejai Edeke!" Ebala, "Isiayalamikini Ejakait kanuka ibangiok kangul." Ebala ebe-ebala ebe, "Kilem ijo emotoka, kobuni orot." Ebala, "Kilema ijo epeetai kere kotomake, emamei do ibore yenijaatar ijo dimarai atukos naka asuwa nuemamei ajokis." Ido erai ngin...Erai cut nepetai naedolit, ijeni ijo.

3 Apak adiopet, ko California, ajai eong alosi korotin luka Los Angeles, kasodi eong aanyun etunganan, loajaatar aanyunet kokisingike, kosodi ne. Ido abala ebe, "Erai eong ebang kanuka Kristo." Ido ngitunganan kere ajai asesin nges. Kasodi eong agipar nges ibelokin kasodi angoliar, akaulo naka nges atubor. Kasodi eong aomoom ebe ti eong atupak nges kede luce kere. Ido kotoma...kopurake, abala ngesi ebe, "Ebang bo lokangai ijo?" Eebo. Aomit eong ebe oni kere itegelikina, idiopet kaneejai yenice, ijeni ijo.

Konye, ijeni ijo, edolokini akwap toma asipokin, kiton nakiswamaunor icebore yenegelar itarauni ibore ngin yenitegelikina, kiton nakeomitotor itunga ebe erai ibore yenaronon. Ido duc ejai Edeke aswam icebore yenitegelikina noi, kanu ainyakun itunga neejai Ebaibuli bobo.

4 Apedori eong aomoom ebe arai Noa loasubit bala e-ebang, kaneejai atur naka science najari ngesi kotoma, naarai apedorete ngul aitogogong ebe amameete akipi kotoma akuj. Konye abala Edeke apote ajaun ngina. Aso, Noa alimonokin ka aiyuunit ngun, abu ngesi koraun ebang.

Ido aomit eong ebe neabu Musa kolosio laiije Misiri, arai ngesi loasubit bala e-ebang, neejai Parao. Konye kiitu ebe, arai Parao da ebang, kaneejai ngesi. Aso kesi...Imisiikini oni ngun.

5 Karaida Yesu aponi kimarakinnai araut loka ikerep. Edolit ngin. Martin Luther arai ebang, neejai ekanisa loka Atulik. Ido John Wesley arai ebang, neejaas Igeresan. Aso, ijeni ijo, erai-erai nepetai opak kanuka ebang ece. Mam kereka yesi iomitos kwangin? [Kotemari atukos ebe, "Amen."-Ekewa.] Konye, eroko ejaunia epeeta, ijeni ijo, ekoto kojai ber esumaali, kanu ayenikin ngol tomake.

Aso, ijeni ijo, Noa, kwape ebang, abu ngesi...Kolem epeeta, iriuni esumaali, kiriuni icebore nepepe, kosodi aikamakin icebore nepepe. Aso, abu Noa kopedo airiun kere luapedorete aiyuun, toma ataker, kinga naka etube, koipone loka araut ebang.

Idumuni oni ebe, abu Musa kiriu ekanisa kinga naka Omisiri, koipone loka araut epeeta. Edolit ngin.

6 Aomit eong ebe ipuda oni epeeta kwana, kanu airiun Ateran kinga naka ekanisa. Ipuda oni icebore kwana, icebore, tetere oni iraun itunga luitegelikina noi. Abuni eong aitam aisiom Nuiwadiaere nueupanara kede nu, kasodi einer idakikan idis, kasodi aitam aitodikin yes ibore yenikiraar oni itunga luitegelikina.

Apukosi ber oni Nuiwadikaere kwana, kaneejaas Ipilipin esula lo 2, 1-8, kosodi Ikorinton Lukiareit 3:6. Kasiomata, kwape kiyuunitor oni Akirok naka Edeke.

Ido kwana, eroko oni esioma, keturoto akwesiwok kwap kanuka ailip.

7 Papa lokasianut lokotoma Akuj, irai teni isio abeit cut itunga luka arereng, atibong na, kanu aiyuun

kotoma atur kana, ka aanyun iboro luiseseni isio elosete ngaren, ka ajenun ebe eapie apak noi, nakebunio Yesu Okanisake. Oo, itwamanuni ngin ikositaun, Ejakait! Ido kwape kipukoria isio apapulai, atibong na, ilipi isio ebe iinakini Ijo isio apolou kotoma okokoron. Ido kopukok Emoyo Lokalaunan ikositaun iboro lueraas luejokuka ido nuisialamikitos Edeke. Naarai ilipi isio Kokiror loka Yesu. Amen.

8 Ijeni ijo, acamunit eong ebe abuni eong ailip yes aswam icebore. Etapit duc eong-eong ailipit iboro luitegelikina. Konye nakijaikin oni ayongio neejai emeeder, ibwoi oni kere. Kosodi-kosodi emeeder atubor, abwoete oni; naibusakinit oni aswam. Ido ibwoi, kanu ayongit. Abwaata ber oni kakejenewok kwape kisiomio Akiror, arai ipedorete yesi, Ikoriton Lukiareit 3:6.

*Lokisilosik oni araut ijaanakinak luka Aitutuket Nakitetet, mere luka enyukuta, dimarai luka Emoyo:naarai eari enyukuta konye Emoyo einakini aijar.*

*Aso arai aijaanakin naka atwanare naigirigiritai kinyukutan kamoru, abu kobu kaibuses, tetere mam idwe luka Isirael epedorete asesen akonyen nuka Musa kanuka aibuses naka akonyeneKe, aibuses ngin naitapalaunio:*

*Mam kereka aijaanakin naka Emoyo itelekarit kaibuses.*

*Naarai arai kejai aijaanakin naka atubokinio kaibuses, itelekarit noi aijaanakin naka adolit ajaun kaibuses.*

*Naarai naitubusikinitai mam kitubusikinitai kakiror kana, kanuka aibuses naedeparit noi noi.*

*Naarai arai naitapalaunio kejai kaibuses, itelekarit noi naesalenenei ajaun kaibuses.*

Aso kija kamun naetia nen kitwasamai atiting, naepol.

*Kwabo mere kwape Musa loemukorit akekonyen, kinyeis idwe luka Isirael asesen awasia naka naitapalaunio.*

*Konye kitinikitaik ikecetaun. Naarai kiton lolo naesiomunere aitutuket namojong eringa esalit aimukoret ngipengin mam epukoritai; naarai toma Kristo itapalaunital.*

*Konye kiton lolo naesiomere nuka Musa epesikina aimukoret otauonocek.*

*Konye erai Ejakait Emoyo ngol, neejai Emoyo loka Ejakait, nepenen da ejaikin aosikinio.*

*Konye oni kere kiseseni aibuses naka Ejakait kwape kotoma aroet, kakonyen numam imukoritai, kiloconokinio aputor Nges, anyoun kaibuses kiton aibuses, naarai epote ngun kama ka Ejakait, loerai Emoyo.*

9 Ido kaneejaas Ipilipin 2, kisiomi oni nu, ageun kede lo 1, ido aisiom kiton ekokoro lo 8.

*Aso-aso arai ejai aitalakar kotoma Kristo, arai aiyamakina naka amin, arai eidicane loka Emoyo, arai aisioni ka aitim.*

*Kitodolete akaiyalama, tetere iwomitos adiopekirot, ijaas kamin adiofet, luka emoyo ediofet, iwomitos nepepe.*

*Sirikiswamata akiror kere kanuka angolopa, karaida eitur atai, dimarai kaitasono nginitunganan kitopoloorite aupake, itia nges ilopet.*

*Kinyek nginitunganan asesen nuke bon, konye nuka luce da.*

*Koomitos yesi kotomakus, kwape aomitor Kristo Yesu:*

*Lokejai einono loka Edeke, komam imarakina arianakin ka Edeke araun ibore yenimariauna.*

*Konye kitisilikin, koyanga einono loka ebulesit, kouriai kotoma aput naka etunganan.*

*Abu kotakan ejaas kasubunet naka etunganan, kitasonikin korima kiton atwanare, atwanare da naka emusalaba.*

10 Kelipa.

Papa lokotoma Akuj, asiomi Akiror na nakaumokin, atibong na, kotoma Aiwadikaetekon nakalaunan, koinak Ngin koraun ibire ilopet kotauonokosi, tetere isio ilosi kane bala ngul lukelosete Emao, kobalas, "Mam tope amulaete iwokotauon naenerar kaoni korot, ka aikujokin oni Nuiwadikaere?" Naarai kilipi ngun Kokiror loka Yesu. Amen.

## Ipedorete aiboikin

11 Kwana, erai na asiometait naetegelel noi, konye aomit eong ebe ibecokina kanuka ejautene. Akoto ti eong einer nuikamunito akou naka akirot: Edeke Lokapedor Epukorio Kakonyenewok.

Kwana, anyoun nejaunor etunganan, ajaun aipud toma otau loka etunganan, ajenun nekebungo ngesi ka apolou naka ajaut ne, ka neejai ngesi alosit. Ejai Ediopet bon loepedori abongokin ngun, Ngol nges Loeyangauni nges ne. Ido ajaun duc etunganan eipud aanyun Edeke.

12 Kokau kotoma Aitutuket Nakitetet, ianyuni oni ebe abu Edeke korapiara kama ejaas lumam iyuunits. Ejaatar Edeke eipone loitegelel noi loka aiswamanar kede itunga. Engopit Ngesi kaneejai yenimam iyuunit ido epukor Ngesi neejai ikeyuunan. Iswamai Edeke ngun. Abu Yesu kisiyalamik Papa, ebe, abu kimunonik ikiro nu lukacoa ka lukaijen, kosodi apukokin imukerun ludidik kwape kalu epedorete aisisia. Aso, ianyuni oni ebe mam Edeke ijulanakin, kotoma oiponeKe, ido iswamai duc Ngesi Akeswam koipone kangopekangol. Ianyuni oni ebe, kotoma Malaki 3, ebe abala Ngesi ebe, "Arai Eong Edeke, ido mam Eong ejulakin." Aso, iswamai Ngesi kotoma okisil ngopengol, apak kere.

13 Kwana alemutu ber oni ediopet kotoma otabon luka Obaibuli. Neabu Yob, ediopet kotoma otunga lukadolitok luka apakike, etunganan loetekooro kotoma okisila luka Edeke, ebulesit, lokajokan, ebulesit loayongong, kiton Edeke atemar atiar, "Emamei etunganan bala kangesi, kotoma akwap." Konye...akeipud arai, apak adiopet, aanyun Edeke. Ajeni ngesi ebe ajai Edeke, ido apupi ngesi ebe epuda ngesi aanyun Ngol, araibo, kacekiro, alosit totoKe kosodi aikungokin ekek, kosodi atemar, "Epuda eong einer kede Ijo." Aiboikin kwap, ainer kaNges, bala kwape tikinerar oni idiopet kayenice.

Kimisianara oni. Ngin nges apolou kijaar oni atukonokin na, nakibunio oni nepepe kasodete-kasodete aimor aomisiowok. Ido-ido imisiikinit oni idiopet kayenice. Ido iswamaete ijaanakinak ngun. Itunga luka adokena kere nuka aijar iswamaete ngun, aimor iboro.

14 Ido, Yob, arai Edeke ibore ilopet kaneejai ngesi, akoto ngesi ajenun arai mam ngesi apedori alosit, kosodi aikungokin Ekekek, kosodi-kosodi ai-ainerakin kaNges.

Konye idumuni oni ebe abu Edeke kinarakinokos kede nges, konye arapiara Ngol. Arapiara Ngesi kotoma ojautene loka etapipiro. Kosodi Ngesi alimokin Yob aien akengabet; alosi Ngesi ainerakin kede ngol, bala etunganan. Kosodi Ngesi aijesun kwap kotoma otapipiro kosodi-kosodi einerakin ka Yob. Kosodi Ngesi aitejenun neejai Yob kotoma otapipiro, konye kereka mam ngesi abu koany Ngol cut becebec. Apedori bon ngesi aipup ekwam ekusi ido ibelonokin, kotoma okito. Kosodi Eporoto alomun kotoma otapipiro, konye arapiara Edeke kotoma otapipiro.

15 Idumuni oni ebe, kalaije ko Afrika, ko Agolitome naka Africa, itwasamaete kesi akirot ebe amoyah, naerai akepolou, "apedor namam etakani."

Ido Apedor na namam etakani, kotoma otapipiro, ajaatar Eporoto loopupo. Abu kiner neejai Yob, konye komam nges eanyuni Ekejautene. Konye arapiara Ngol, kaneejai ngesi, kede etapipiro.

Ianyuni oni ediopet kotoma onabin lukapolok luka Obaibuli, Musa, loka Aitutuket Nakitetet, ediopet kaluseuna luka Edeke, asekitai, ebulesit loasekitai sek, emiela ngesi da aanyun Ngol. Aapianara ngesi noi kede Ngol, ido aanyunit ngesi iboro luipu noi luka Akekan nakaiyeiyea elosi koingareneke ido iswamai iboro luarai Edeke bon nges apedori aswam. Emiela ngesi aanyun Ngol apak adiopet, kosodi Edeke alimokin nges ebe, "Kolot kobwo kokuju atiida."

Ido napekebwoi kokuju moru, abu Musa koany Nges etubor. Abu koany epur loka Ngol. Kosodi ngesi atemar atiar, "Asubit bala etunganan, epur loka etunganan." Konye, mam nges abu koany Edeke. Abu bon ngesi koany aigalioret ngin naka Edeke.

16 Abala Ebaibuli ebe, "Emamei itunganan yeneanyunitor Edeke kadiopak, kidimarai bon loteluna loka Papa nges ketejenu Nges." Aso, abu Musa koany Nges, erapiara kwape Etunganan. Ianyuni oni ebe Yawe loka Aitutuket Namojong nges Yesu loka Aitutuket Nakitetet.

Ido-ido Dr. Scofield kane, idumuni oni ebe, akekirot, aijulakin kotoma "ojautene." Ianyuni oni ebe akirot en morphe, kotoma Ayonanin, naerai apolouke "Aponi isedeleunai lomam etakani." Icebore yenimam epedori...Ijeni oni ebe ejai. Epedorio ...mam epedorio aanyun, konye kereka ajenete oni ebe ejai. Ido nakejulakina Ngesi ejauteneKe, loka en morphe, naerai apolouke ebe abu Ngesi ijulakin anyoun adoketait namam etakan kiton atakanun.

Abu bon Ngesi ijulak arapiareteKe, kotoma acekiro, esubit bala abolia. Ajai Ngesi aswam abolia. Ido kotoma Ayonanin, nakejulakiniata kesi arapiaretekec, aticepak abolian ediop-...aticepak kotoma abolia adiopet epedori koboliate atutuben nuegelegela.

Ido akokuka, ejai ne, ajaatar kesi kosomero, a-abolia. Kosodi esapat ediopet loajeni eong, abolia nepetai atutuben aongon, konye alosi ngesi kau naka alaro naeboliare kosodi aijulakin ike-ikenapen,

kanu alomun kinga, kosodi aituputor eceipone.

17 Kwana, arai ipedori ijo alemun adwaranuto nuka Aitutuket Namojong nuikamunitos nuabeit Mesia araut, ipedori ijo aitirian ngun kede aijar naka Yesu, ido idumuni ijo cut bec nuarai Yesu. Mam Ngesi arai etunganan tai, arai Ngesi Edeke, en morphe. Abu Ngesi ijulakin anyoun-anyoun araut Lomam etakani kiton ojutene loka Etunganan loetakani. Konye kereka, korai Ngesi Edeke, itodiara kotoma akuan, arapiara kede etunganan, arapiaret naka akuan.

Ido ongic ber ijo Aitutuket Namojong.

Ajeni eong ebe eneras eong kede esipan loinyalal, atibong na, loelomunit atutuben nuegelegela nuka akwap. Ido ijai oni ne kanu angicun. Inyobo ijai oni-inyobo ijai oni aswam? Inyobo-inyobo ijai oni? Aibo ijai oni adolore? Inyobo iswama? Inyobo apolou naka nu kere?

18 Ido kwana idumuni oni, kotoma kane, ebe, korai ti yesi ikiliok ka angor nuka Iyudayan, ka rabis kotoma-kotoma-kotoma oyekalu, kotoma apaarasia nuatuboros, korai kosesenito ngul Ebaibuli, adwaranuto, aiboisit naka inonosio, tikes emisiikitos loarai Yesu. Mam tikes cut kenyarata Ngol ebe Ebelesebul. Mam tikes ibubukisi Nges. Konye, ajai kere kiswamaun. Arai ngin atutubet naka abolia. Ido ketumudakitai kes, kotoma adoketait kana.

19 Eputos bala luipu kotoma kayesi ikiliok ka angor, kane atibong na, aticepak aturika arai luepolok adepar. Kiitunitos, kane kotoma Amerika, ikar kau, eroko...Itunga luka China...Onaceka, loabu kwape kwana kitodiar kane, loabu kobu toma aomisioka nejaar eong einer kanges. Eipone loatapitor kes...Mam kes apedorete einer kotoma Amusugun, ido eswamaete kesi-kesi aidony igoen. Ido kilot ijo aidukake loka igoen, kanu aswam ikoninapen. Adonyokinete itunga luka China ejenunet, ido acilete kesi ejenunet ngol koiponece. Koyangari ijo atutubet adiopet; koyangari ngesi da atutubet nace. Konye kibong ijo aibura luebeito ijo, abeit atutuben ngun aarei nuka apapula arucokin cut bec nepepe. Ido arai mam ngun eriakakinos cut becebec ejok...Mam ijo ipedori aituput ngin kedipone kere, naarai ajaatar ngesi atutubet adiopet ido ijaatar ijo nace. Ido arai keputosi...Kwangin ijaatar do ijo apedor naka aibura luaraas lukon. Ido idumuni do ijo luabeito ijo, nakijaatar ijo atutubet nace naka acamanar.

Aso kwape kwangin, atibong na, nakijaar oni kede atutubet nace naka acamanar. Neabu Edeke, kocilia Okokuke kotoma atutuben aarei, ko Kalvario, ayangar akuan kuju kanuka Asubanit, kosodi aijukun Emoyo kwap kanuwok, loabu sek kiboie kotoma Otunganan, Yesu. Edeke ngopengol ejai toma arapiaret atibong na, kotoma ojutene loka Emoyo Lokalaunan. Atutuben ngun aarei ebeit orucokinos nepepe, akepolou irai do ijo atutubet naka acamanar. Abu Edeke kiswama nu, tetere epedori araun loejenun ejok neejai etunganan, nakeraunor Ngesi Etunganan.

20 Asiomi eong akirosit, icekar kau. Ido kotoma akiro, abala ebe ajai ekabaka, lokapolon lokajokan... kemurokit eong ekekiror, kwape kwana. Mam eong aoomot nuka alimun akiro ngun. Aticepak, mam erai akirot nakabeit, konye edodiari oni neejai ibore ilopet yeneinakini oni apetetait kotoma kanu ikoto oni alimun. Ekabaka lo arai ngesi eipone ekabaka lokajokan, ido loamina noi iketunga, kiton, apak adiopet, koingaren naka ekedaranika ka iketunga luka akabakanut, abu ngesi kotema, "Lolo, isesenete yesi eong irwan nakawasia, adaun ikar luipu."

Kosodi ekedaranike ka iketunga lukapolou atemar nges atiar, "Ekabaka lokajokan, inyobo ibalar ijo kwangin? Ijo ijai alosit akwapace, nenice, araun loka akwapace?"

Abu ngesi kotema kes atiar, "Mam. Alosi eong asalakin nepene cut. Eebo," ebal, "Ajai eong alosit kinga akidingos naka ikatunga. Alosi eong araun akorion. Alosi eong aijep akito kede ekajepan akito. Alosi eong a-akor akwap kede loeutaara. Alosi eong aigwer imusabibun kangul luigwerete imusabibun. Alosi eong araun ediopet kotoma kakesi, tetere adumuni anaikin ejok kede nuiswamaete kesi. Ido amina eong kes. Ido akoto eong anaanar kakes, eong elopet. Mam kes ejenunete eong. Konye, kereka, akoto eong ajenanar kakes, koipone kangol."

21 Ido atupuruc natupakini, neapotu iyakiake, itungake kere koanyuniata nges, araibo ngul luajaas ore loka ekabaka, elemari akeboko kosodi aiperikin kwap kuju naka eicolong, eicolong loka akabakanut, kosodi alacar ikenapen luka akabakanut, kosodi anapakin inapen luka ekakorion, kolosi kinga akidingos naka itunga lutai.

Kwana, kotoma akiro kangun, ianyuni do oni nuikamunitos Edeke.

Apotu kotemas ekabaka atiar, ebe, "Ekabaka, ipuda isio ijo. Imina isio ijo. Ikoto isio-isio ijo asalakin irai ekabaka." Konye akoto ngesi araun ediopet kotoma kakesi, kanu ajenun kes ejok, tetere kes ejenunete nges ejok, cut ejok nuarai ngesi. Abuni ngesi aitodiar mamakec nuarai ngesi cut bec.

22 Ido ngun kes abu Edeke iswama. Abu Ngesi-Ngesi ijulakin, kotoma araut Yawe Edeke, kanu araun ediopet kotoma kakesi, tetere Nges itori ocan, tetere iiri atwanare, tetere ejenuni nuarai etidot loka atwanare, kosodi ayangar aiticanet naka atwanare mamaKeng elopet. Abu Ngesi-Ngesi ibwaik akeboko

osiep ka InapenKe, kosodi araun ediopet kaoni. Abu Ngesi kilot akeje kede-kede itunga lukokwap. Ido iboie koweman, ka lukican. Ajotoi toma a-amagoron ka toma orotin, ka ngul luamamei adoketait. Abu Ngesi koraun ediopet kotoma kaoni, tetere kemisiikini oni ejok, ido tetere oni imisiikini Nges ejok.

23 Kwana, aomit eong, kotoma ngun, ianyuni oni ebe, aijulakin, Nges elopet, nuabu Ngesi iswama. Arai kimisiik ijo, abu kobu kotoma okiroria iuni. Abu kobu kotoma okiror loka Okoku loka etunganan, ido kotoma Okoku loka Edeke, ka Okoku loka Daudi. Abu ngesi kobu kwape Okoku loka etunganan.

Kwana, kaneejai Esekiel 23, abu Yawe, Elopset, konyarau Ezekiel, enabi, "okoku loka etunganan."

Okoku loka etunganan "enabi." Ajai Nges abunore koipone kangol tetere kitodolikini Iksila 18:15, neabalar Musa ebe, "Itonyoikini yesi Ejakait ekusideke enabi bala kwape keong." Mam Nges anyaraikina bon ebe Okoku loka Edeke. Abu Ngesi itetem araut, "Okoku loka etunganan," naarai ajai Nges abunore kwape kejaatar Nuiwadikaere. Ianyu? Ajai Nges ainakin atutuben ngun aarei nuka apapulai nuacilil, adwaranut naka Aitutuket Namojong ka Ekepitene Elopset, araun cut nueriakasi becebec. Aso, abu kobu, Okoku loka etunganan, abu kolom kotoma ojautene kangol.

24 Aso ianyuni do oni ebe, akaulo naka atwanareKe, anukio, ka ajarun, abu kobu kotoma apaaran naka Pentekosit, kwape Okoku loka Edeke; Edeke, Emoyo, kotoma ojautene, Emoyo Lokalaunan. Inyobo ajai Ngesi aswam? Ajai Ngesi aijulakin, aitejenun neejaas Iketunga kotoma ojautene loetegelikina. Bala kwape, Emoyo Lokalaunan, loerai Edeke, abu kobu aswam kotoma aturio nuka ekanisa, kwape Okoku loka Edeke, Emoyo Lokalaunan.

Konye, kotoma Apugan naka ikar elukumit, ebuni Ngesi kwape Okoku loka Daudi, Ekabaka. Abeit Nges aibokin oicolong loka Daudi. Ejai Ngesi toma oicolong loka Papa kwana. Ido abala Ngesi ebe, "Ngin yenipikori iboikin ka Eong oicolong loka Papapka, kwape kepikoria keboikin oicolong loka Papaka." Aso, Nges, kotoma Apugan naka ikar elukumit, ebuni Ngesi araut Okoku loka Daudi. Inyobo ngin? Edeke ediopet ngopengol, apak kere, ijulanakin aijulanakin bon ake-akenapito.

Arai eong, kaneejai akeberu, okilenike.

25 Apotu yesi komisiikis? Abu aberu naka Suropoenike kotema ebe, "Okoku loka Daudi, kitimoi." Mam ngin abu isirieng Nges, cut. Amameotor ngin apedor anyara Nges kwangin. Amameotor ngin nulimuna kotoma kanuikamunitos Nges araut Okoku loka Daudi. Arai Ngesi...Erai Ngesi Okoku loka Daudi, kaneejai Eyudayat. Ido kwana abu Ngesi kobu...Konye nakenyara ngin Nges ebe, "Ejakait," arai Ngol Ekejakait, abu aberu ngin kodum nuelipit.

Kwana, kwape, ijulanakina Ngesi ekejautene.

26 Kwana, kotoma okaleka, arai eong itunga iuni luegelegela. Kokaleka, ebala akaberu eong ebe ekilenike. Akokuka kangina, emameotor akirot kanuikamunitos eong kwape ekiliokit; arai eong papake. Ido Etataitika kangina, arai eong papaake, aso emameotor ngesi apedor anyara eong papa. Mam eong arai papake. Okokuka nges papapke. Arai eong papaake. Konye asalakit eong arai etunganan ediopet ngopengol.

Ido Edeke nuiswamai Ngesi, ijulakini bon Ngesi ekejautene, kanu alomun atur ngin, kanu aitejenun neejaas itunga ngul. Ido ngun kes kijaar oni ne kanu ajenun, atibong na. Kotoma oipone ali ebeitor Edeke aitejenun otungaKe ido kotoma apak kana? Ijulakini bon Ngesi arapiareteKe, ijulakini Ngesi aswamaisioitiKe, konye mam Nges ijulakini nuerai Ngesi. Mam Nges ijulakini Eke-Ekesube. Ijulakini Ngesi akenapito bon, anyoun kaneejai adiopet kiton nace. Iswamai Ngesi ngun, kanu apukor koipone kalo idelelei noi neejaas itunga, tetere kes ejenunete loerai Ngesi, ka nuerai Ngesi.

27 Kotoma Oburanean 1, kisiomi oni ebe, "Abu kolo Edeke kinera kalukapapawok koponesio luipu luegelegela kotoma onabin, konye kapaarasia kanu ener kaoni kotoma Okoku, Yesu."

Kwana, "Inabin," Abala Yesu, nakejaar ne toma akwap, "araas kesi idekesio. Kinyarito yesi ngul 'idekesio,' luabuni Akirot naka Edeke nekec. Ido mam Nuiwadikaere ebilas," Ebala ebe, "Kanukiinyo kitubokiniata Eong, konye korai Ngesi Okoku loka Edeke?" Ianyu?

28 Akirot naka Edeke etiakakinitai nginitur, nuebeit Ngin araut. Ido Yesu nges arai aitodolikinet naka adwaranuto kere. "Tomake ajai aileleba kere naka Edekeone kotoma akuan." Ajai tomaKe. Arai nges Loajai toma Yosep. Arai Ngesi Loajai toma Eliya. Arai Nges Loajai toma Musa. Arai Nges Loajai toma Daudi, ekabaka lokengeritai.

Apotu iketunga obe kongeroto nges, kwape ekabaka. Ido kwape kalomaria ngesi kinga naka-naka alaaro, ajai ekesa, loesiriebitai eliai aiboisit, mam aminakit ake-akepugan, ekeswamae, kosodi ngol aimuikin nges aimul. Kosodi akedaran airiun ekekileng, kobala ebe, "Ijo ijulakini akou naka ekingok kangol kamake, aimuikin ekabakaka aimul?"

Kosodi Daudi, aticepak mam ajeni da nuajai aswam kotoma apak ngin, konye enyonyokitai nges.

Kosodi ngesi atemar atiar, "Kojalak nges kanuke. Edeke elimokit nges aswam nu." Kosodi ngesi adokar kuju orongat kosodi monyakin Yerusalem, ekabaka lokengeritoi.

Abu ijo komisiik? Ikar akwat adis anyoun apakio ngun, Okoku loka Daudi kimuanakinio aimul, korotin, ido ajai orongat, moru ngopengol, koseseni kwape Yerusalem, Ekebaka loengeritoi. Kosodi aimony, "Yerusalem, irwan imwa ai abu kakotor atukonokin ijo kwape etukonokinia akokor ikemiyoi kwap abebenokake, konye mam yes ekotokino!"

29 Mam Nges abu kijulak Ekesubune, naarai Iburanian 13:8 ebala, "Ngesi ngopengol bian, lolo, ka ikar kere." Abu Edeke koraun akuan, tetere etwani, kanu alakun oni kama ejai adiakar. Ngin nges apolou ijulakinor Ngesi, araun e-Etunganan.

Ianyuni oni, kotoma Yokana 12:20, apupunitos Iyananin nuKeng. Kwana, emamei etunganan loepedori apupun nuikamunitos Nges dimarai ikecetauon amaran aanyun Nges. Kwape bala Yob ka inabin lukolo, kere akotosi aanyun Nges. Aso, apotu Iyananin kopotu aanyun Nges. Kopotu nerejai Pilip, loarai loka Betesaida, ebalas, "Ejakait, kikoto isio aanyun Yesu."

30 Akotosi Iyananin aanyun Nges, konye mam kes apotu kopedosi aanyun Ngol naarai ajai Ngesi oyekalu loka etungananeKe. "Ajai Edeke toma Kristo, itupucikini akwap mamaKang." Kwana idumuni oni ebe, kotoma nu, mam Iyananin lu apedori aanyun Nges.

Ido koany akiro akulepek nuabu Yesu kolimok kes, akaulo kakiro. Abu Ngesi kotema atiar, "Arai mam ecokat loka akimait edoi kwap kotwana, esalit ikoni nepenen." Kacekiro, mam kesi cut apedorete aanyun Nges kotoma aijulakinet, kotoma arapiaret najai Ngesi toma apak ngin, naarai arapiara Ngesi kotoma akaun. Konye nakedoio ecokat lo kwap, akepolou abuni aitolomun atekerin kere. Ejukunitai Nges neejaas Iyudayan, ejena ngin, kotoma apak ngin. Konye ecokat loka akimait ibusakinit kodo kwap; Edeke loerapiara, kotoma akuan naka etunganan, engopit kama ejaas lumam iyuunitos, konye kopukora neejaas ikeyuunak.

31 Kotoma Yokana 1, "Kageunet ajai Akirot, kojai Akirot mama ejai Edeke, korai Akirot Edeke. Koraun Akirot akuan, kiboioroi kamawok, kasodete aanyun Nges, Okoku loteluna loka Papa, loileleba asiamut." Kwana, kageunet ajai Akirot. Akirot arai aomisioit itodiaritai.

Kageunet, mam ber Nges arai Edeke da. Kwana, akirotowok naka Amusugun lolo, Edeke, erai akepolou "ibore yenemaio." Eipone lokitolitolia ngin adam. Ipedori ijo aitarauon icetunganan ideke. Ipedori ijo aitarauon idiobore ideke.

Konye kotoma Aitutuket Namojong, kotoma Ageun 1, "Kageunet abu Edeke," akirot naitosomatai erai, Elohim. Elohim erai akepolou "Loejai kanuke bon." Itiai atiaketait naepol kiding akirot Elohim, kede akirotowok Edeke. Elohim akepolou "Loejai kanuke bon."

Mam oni ipedori araut luijai kanuwok bon. Mam oni ipedori araut lukapedorosio kere, lokapedor kere, luijai aiboisio kere, luijeni nginibore kere. Konye Elohim itodiarit ngun kere. Mam oni ipedori araun ngun. Ekitoi loiswamauni ijo edeke kotomake, arai-arai aduketait, mam erai loejai kanuke bon.

32 Aso, Edeke, kageunete, arai Aijar, Namam Edaun. Tomake ajaas inonosio, ido inonosio ngul apotu korautu Akiro, koraun Akirot akuan. Arai Yesu Ekalakunan. Ido alakun, akepolou, "ainyakun." Ido arai ebeit Nges ainyakun, akoto kojai aiboisit naebeit ainyakun toma. Aso, itei ijo, mam itunga kere epote apedor aanyun ngin, naarai mam itunga kere ajaas kageunet toma aomisio nuka Edeke. Ianyu?

33 Kosesen ber ijo isasedotin. Nakeanyuniata kesi Ngol kitodiar cut becebec kede Akirot, nuarai Ngesi, apotu kotemas, "Erai Ebelesebul." Abu ngin kitodu neajai ekeceinono. Arai toma aomisioit nakatinen kwana naka apak kangin.

Konye neabu amalayat, nabu Ngesi kiriamunotor korute, kosodi alimokin ngin, abu kitodia AanyuneteKe naka araut Mesia, koipone loka alimokin nges nueswamat. "Inyobo," abu ngin kotema atiar, "Lokapolon, amisiik eong ebe irai ijo Enabi. Ijeni isio ebe, kebu Mesia, elimokini Ngesi isio akiro nu kere." Ajai ngin amisiikin Nges kwape Mesia, Loenyonyokinitai, naarai abu Ngol ibecok cut nuepuda Naiwadikaere. Mam ijo itei? [Kotemari atukos ebe, "Amen."-Ekewa.] Eriamara atutuben aarei nuka apapula bec. Ebala ngin ebe, "Kijeni ebe, kebu Mesia."

34 Aticepak eyangaikini Edeke arucokin na ka ngin, kanu adumun aruo ace naka edongot, bala kwape ekajeon. Konye nakebelokinor Yesu, ebala, "Eong nges Ngol loeneras kajo," amamei aliminet ngin kwape ebe "Ebelesebul." Abu kojalak akemot naka akipi, koker oibuga, kosodi atemar atiar, "Kopotu, koanyutu Etunganan Loalimoki eong akakiro kere nueswamat eong. Mam kereka Lo erai Mesia?" Ianyu?

Kwana, inyobo eswamai nu? Arucokin Naiwadikaere kede aijen na-najai Yesu ainakin nges, inyobo abu ngin kiswama? Abu kitolom Mesia. Ido abu ijo komisiik? Katipet, aponi kitimoi akediakanareta, naarai, kageunet, arai aberu ngin napedori alakunio, naarai ajai ngin toma aomisio naka Edeke kageunet. Aso,

abu kolak nges, araibo ebe abu kinyak ngin, nakeanyunia ngin Naiwadikaere naeneritai kitodiar, naka Yawe, nuarai Ngesi, nuerai Ngesi.

35 Kwana, neabunio Yesu, korai tikobunite Ngesi kede aisiraret naka Noa, mam tikepedo aswam. Adukun ataker, kosodi aleleara, mam tikiswama. Konye ebe arai Noa atutubet naka Edeke. Abu ngesi kiswama koipone kalo etegelikina naarai etegelikina ngesi, ido aisirareteke arai naetegelikina naarai arai Akirot itodiara.

Mam ti Nges kebu kede aisiraret naka Musa, naarai mam tingin epedo aswam. Arai Musa Edeke, kotoma atutubet, kitodiara. Arai ngesi akirot naka apak kitodiaritai, konye mam Yesu apedori abunore kotoma ngin. Mam Ebaibuli abala ebe abeit Nges abunore koipone kangol.

Konye nakebunio Ngesi, abu kitodiar cut becebec bala kwape kabalar Aitutuket ebe abuni Ngesi aitodiar, aso apotu ngul luapedorete alakunio kiyuutu Ngin, naarai araas kesi aomisio nuka Edeke. Abu einonoKe kotoma ageunet, koraun akuan, ido apedori alakunio, ido aponi kinyakunai neejai Edeke. "Kere lukijaunete Nges, abu koinak apedor araun odwe luka Edeke," naarai araas ngul luapedorete alakunio. Ajaas kesi kotoma ageunet, toma aitodiaret.

36 Korai ti oni apedorete abwounm kane ipak edit, korai tikopedor, kasodete aoomoom nuka ngun, atibong na, nuka Aisiraret naka apak, aomisio nuitodiaritai nuka Yawe. "Eroko epesikina apetetait naka akwap," kilimokinitai oni ebe, "Aponi kibwaikinai ikiroriawok toma Otabo loka Imerekek loka Aijar." Kwangin ipedori do oni aanyun isiepon iarei, kwape alimunitor eong sek, ibore yeneinakinit ediopet itegelikina kaneejai loce. Ekoto korai koipone kangol. Arai duc kwangin. Araun duc kwangin, ido ebuni duc araut kwangin. "Arai Ngesi Akirot. Koraun Akirot akuan kiboiororoi kamawok."

37 Kwana, Edeke, kotoma...kokau kotoma apaarasia nuka Aitutuket Namojong, idumuni oni ebe akaulo naka Nges aitakanikin Iketunga, kotoma ojutenesio luegelegela, abu Ngesi korapiar kokau naka imukulen lumojong loka itunga. Edeke engopit kokau naka imukulen luka itunga, kotoma oicolongoKe loka aitim. Idumuni oni ebe, eipone loabu Solomon, nakesirerengio eyekalu loka Ejakait, ido ekajasi imukulen lu luka itunga kangina, arapiaret, eipone loabu Ngesi kolomuna toma kwape Epir loka Akim kosodi kwape Edou, kosodi alosit kwap kau laiye, kosodi arapiar, kaneejai akwap nakokinga. Konye, kanuka aiyuun, abu Isirael kojen ebe ajai Ngesi kau ngina. Ajenete ebe ejai Ngesi ngina, mamace nuabu akwap nakapirit kiner. Angopit Ngesi kaneejai yenimam eyuunit. Konye ikeyuunan, kanuka aiyuun, abu kojen ebe ajai Ngesi kau laiye. Apotu kesi kodumutu asianut. Ido ajai Ngesi toma oicolongoKe loka aitim, naada arai aiyeiyea naapol noi.

38 Ijeni ijo, kotoma Aitutuket Namojong, alomar toma omukule ngol arai atwanare. Konye kwana asalakin kau naka ngin erai atwanare. Kosodi alomar toma Aibusesuke arai atwanare kolo. Konye kwana aikunyar awai kama ejai Akeibuses erai atwanare. Abu ngin kiswamaun, ejena, kotoma acilio naka aigalisit ko Kalvari, nakecelere aigalisit, aigalisit namojong. Kwana asalakin kinga naka Ajakutuke erai atwanare. Ianyu? Ido kolo alomar toma akonyeneKe arai atwanare. Ianyu? Ijulanakan ngaren ka kau, ido ekoto ijo adumun Naiwadikaere kanu aanyun apaaran nakijari oni kotoma.

39 Kwana, neaponi kocelere aigalisit ko Kalvari, abu eicolong loka aitim odolok toma atakanun. (Konye inyobo abu kiswamaun? Ajai ikaja ko Kalvari, itoni kotoma Aokot.) Kwape apotu kesi alemununiata aokot, okar kiton okar, kotoma aitesegario naka etem ka aicokicokio naka eicolong loka aitim, kangina, Edeke, kede Akegogong nakapolon naka apedor naka ekipie, abu kocil aigalisit namojong anyoun kokuju kiton kwap, kosodi eicolong loka aitim aideleleun.

Ajai imerekek obe, yenikabeit yenika Edeke ikaja kotoma aidelel ko Kalvari, Eicolong obe loka Aitim, neadauna Edeke aitac etiai, Elopit; kosodi araun ediopet kotoma kaoni, ido abu kitodiar kwape Etunganan, kanu ajenun kede kaoni, ka oni da ajenun kede Nges. Abu Eicolong loka Aitim ideleleu kanuka Isirael kere kotoma apak kangin naka Ailucet.

40 Konye, nueroko, inonosio luka lukapapa luka okanisa kotoma apak ngin apotu, kede inonosiokec, apotu kigaliosi Eicolong lokabeit loka Aitim kama ejaas itunga. Korai kojenunitos Naiwadkaere, nginitutubet ti neejai ejenunet loka itunga luka China. Adwaranut naka Aitutuket Nakitetet tikitodolikina, ido abu kitodolikin. Ido kraik tisisianakinitete kes Naiwadikaere, tikes eanyunito Eicolong loka Aitim. "Kwape kabalar Musa," kane, ebe, "kiton apak na eroko kesi igalioro. Eroko ngin ejai ngina kotaunokec." Mam kes esesenete Ngin.

41 Konye, arai Ngesi Edeke, aiticanio ka Ailucet. Arai Ngesi Eicolong lokabeit loka Aitim ebwoi kotoma aidedel naileleba. Kwape kipou kawootor ekosio:

Koany, koany Nges idelelei.

Ngesi ngol nen, Ekapikoron lokapedor.

Anyoun neabu Ngesi kocilia aigalisit irwanaarei.

Itei ijo, Abu kobu, Eicolong loka Aitim, ikaja kotoma aidelel naka esipan. Konye ngul, kwape kajaatar

kwap naka aomisoit naejenara...

Kwana, ikiliok ka angor, ka ikiyakia luka atukonokin kana, akoto eong alimun na komam aise ikur kobaale. Konye, kotoma asesen lolo, kotoma asesen nukijaar oni ne lolo, akuriana eong ebe inonosio luka ekanisa, lukapapa luka okanisa, etongopata Nu kama ejaas itunga luipu noi. Kwape kabunio Emoyo Lokalaunan kotoma apaarasia kanu, kwape kadwaritere, ido adaun aicil aigalisit, itunga luipu etamitos agongakina neejaas inonosio lukapapa. Ido ngin nges apolou mam kes eanyuniata aidules naka aiyalama, ka ainapakin, ka iboro luejaatar Ekanisa lolo. Konye kereka, ideleete kama ejaas ngul luyuuuto.

Abu Ngesi ibwa Akirot, Akirot naisumunitai naka apak kana.

42 Kwana, eswamautu inonosio aigalisit. Ebalas kesi ebe atuboros apaarasia nuka nukaumokin. Abu etunganan kenerakinos keong, etunganan lokajokan, loka iponesio lukajokak ko Tucson, Arizona, neboio eong. Kijaar eong atukonokin ko Ramada. Ido kipou ajaas einer kotoma atukonokin naka Business Men nabu Ejakait kobunio toma aiboisit kosodi aswam iboro lukapolok. Kosodi etunganan lo lokristayot abunore kosodi atemar atiar, "Onac Branham, itamit ijo adodiar itunga neejai atur naka ikiyakia," abu ngesi kotema, "ido kereka kodauna atur naka ikiyakia."

Kasodi eong atemar atiar, "Elipit eong ijo onaceka kitodikinai eong neabu atur naka ikiyakia kongetakinor, kotoma Naiwadikaere." Eong ebe, "Abu atur naka ikiyakia kogeun ko Pentekosit, ido...Abala Petero, kotoma apaaran naka Pentekosit ebe, 'Aisumunet erai kanukus, ka ikusidwe, ka ngul da luelwaka, kere luenyarauni Ejakait ewokodeke. 'Iworibo abu kongetakinor, akepolou eroko do atur naka ikiyakia elosi ngaren."

43 Ido nen nges etamitoror itunga aitumudak itunga luipu, kede ikecenonosio luka imakio, kwape kajaar kolo. Kosodi akurokin ijo aanyun apolou nakiyalamatar itunga noi ido isinyikokina. Ido-ido atukonokineta nu eraas nuka eipone loitegelikina noi, ibore yenitegelel noi, neejaas icetunga, erai naarai ebe esesenete kesi ebe atiaikisi kesi aigalisio ngun. Apotu kesi kobelaros toma aigalisio ngun, toma Akonyen nuka Edeke, nakesesenata kesi aisumunet naitodiara naka asawa kalo itodiar kakonyen nuka itunga. Esesenete kesi nuesumunit Edeke.

44 Kotoma Yoel 2:28, esumunit Ngesi, ebe, "Kotomaapaarasia kanu nukawasia abuni ajaun abukun naka akiru nakawasia kotoma otunga, kotoma apaarasia nukawasia." "Aoomoi eong naka akirot naka Ayonanin kanen erai kenos, naerai akepolou ebe Nges, "kolac" Akekuan kuju. Mere kotoma oipone loka lotikipedia oni alimun, bala ajai icebore ti icebore toma naka icetunganan, kolac kinga. Konye abu Nges kobuk Akekuan kinga.

Abu Ngesi ijulak, ejauteneKe. Abu Ngesi-Ngesi ijulakin, anyoun kanuarai Ngesi, kiton nuerai Ngesi kwana. Mam Ngesi ijulakini Ekesubune. Konye kotoma apaaran naka Opentekosit, abu Ngesi ijulakin anyoun araut Okoku loka Etunganan, kiton araun Okoku loka Edeke. Abu kobu, mere kede itunga. Abu kobu kotoma otunga, itei ijo, Edeke ngopengol, kanu ainyikokin aijaanakiniKe, kotoma atur kana nakapolon.

45 Abu Ngesu kodwar kotoma Obaibuli, ebe, "Abuni ajaun apaaran namam erai apaaran karaida akuar, konye kotoma osawa lokatibong ejaun Aica." Kwana, akolong, kotoma osube, elomuni kokide ido elomari koto. Erai akolong adiopet ngipengin, apak kere. Kwana, neabu, Okoku, O-k-o-k-u, opukoror kotoma aitodiario naka Akirot naisumunitai, neejai Isirael, itunga luka Okide.

Kijaun oni kede apaaran nakamuton. Kipou oni ajaunos kede aica nailosikina kama ejaas ikesikwarunak, kaiceda, kanu aiswamaun ikanisan ka idiinin, kasodete alomanar tomakec ka alomun toma; kasodete ainu imukerun, kasodete aitudukoonor lukapolok, kasodete aida lukatwak, kaceda: ka ajar kotoma okanisa.

Konye kotoma osawa lokatibong "Ejaun Aica," Ebalas Ngesi ebe "Kotoma osawa lokatibong." Ido emamei Naiwadikaere naepedorio aibil. Ido O-k-o-k-u ngopengol loabu kobukun, Kenos, kotoma apaaran naka Opentekosit, esumunit aswam ibore ngipengin kotoma osawa lokatibong. Ianyu? Erai kwape kejaar aisumunet.

Aimorikikin ejenunet nepepe. Kosesen nuiswamasi kosodi asesen nuisumunitai, kwangin ibuni do aanyun nekijai oni. Isimorik iborik iboro ngul nepepe. Ipedori ijo aanyun apukorio naka lokaumokin ka Lokapedor. Etumudakata inonosio itunga, bobo, aanyun iboro lukapolok luedwaritai.

46 Musa, apak nabunio ngesi komoru, loajai toma Akim, eipone loibusiar aitodiaret!

Abu Musa kolot laiye Misiri kosodi alimokin lukapapa luka okanisa ebe abu Ejakait Edeke kipejok nges kokiror loka "AJAI." Ekiror ngol erai loka lolo; mere, "Abu Eong ajai; abuni Eong ajaun." Konye, "AJAI," nges ngopengol apaarasia kere, nges ngopengol bian, lolo, ka ikar kere. ," Erai Ngesi loejai lolo. Nges...Eputosi ngin kede Iburanian 13:8, Yesu Kristo nges ngopengol, bian, lolo ka ikar kere."



47 Eroko erai Akirot naedwaritai. Ido, abeit esipan, arucokin nepepe kede Akirot ngin, amisiikin naka apak kana. Ajaatar ikedikwarunak ngin, oo, konye erai na apaaran ace. Koany apak nakijari oni kotoma. Kwape tikepedoria Ngesi abunore, kotoma apaarasia nuabunio Ngesi toma akwap, kotoma-kotoma oipone loabu Musa kobunio, araibo kwape kobu edio kotoma onabin kobunio; mam adwaritai. Ido kotoma apaarasia nukawasia, edwaritai abunore koipone kalo. Mam epedori abunore koipone loka aisikwaruunio naka Luther. Mam epedori abunore kotoma ojutene loka aisikwaruunio naka Wesley. Erai esawa loka ainyakakinio. Erai esawa loibusakinitor kobongo kiton Aica naka Okoku nageunet, nasodit.

Oo, eipone lotikiprdoria oni aitolominikin Naiwadikaere toma, toma kangin! Ido yesi ikesisiak akiro nuka ediini, atutubet edio kere naka akwap nailomunit ijo kotoma, ijeni ijo ebe abeit Ngin. Erai aisumunet. Ngin nges einekinit itunga itegelikina noi. Ngin nges iswamaunit itunga luitegelikina, luinyaritos yesi kes. Eraai naarai ebe ngul...erai...Apikor aigalisit, kama ejaas inonosio, ido esesenete kesi Ngin. Erai ngesi ngopengol bian, lolo, ka ikar. Ianyu? Erai-erai aisumunet naka Edeke, ido mam oni ipedori aitepeg ngun, naarai mam epedorio aibil Naiwadikaere. Eebo. Ianyuni oni ebe, esumunikit Nges ngun. Alacu Ngesi Akekuan toma otungaKe. Ido ngesi ngopengol bian, lolo, ka ikar kere.

48 Musa, akaulo naka nges alosit laiije Misiri kosodi aitejenun nu, kosodi Papa aitogogong akesiraret, kanuka abunore kaju Moru Sinai, kotoma Opir ngopengol loka Akim kosodi ainokokin emoru Akim. Oni apotu amisiikis? Loabu Ngesi koinakinite aisumunet nekeng, abu Ngesi kitolom ngol kede Akirot. Ajaatar ngol aicorakineta. Ido kanu ajaun kede aicorakineta na, ajai nges...Araas aicorakineta Akirot. Mam ber Akirot abunit neejaas itunga. Aso, ebuni duc Akirot neejai enabi, ido arai ngesi enabi loka esawa.

Kwape bala, araar Yesu Akirot. Arai Yokana enabi. Kosodi Yesu abunore mamake, kotoma akipi, naarai Akirot duc ebuni neejai enabi, komam ekurokini. Ianyu? Ebuni Akirot neejai Ngol.

49 Aso, Musa, abu Akirot kobu neejai ngesi, aicorakineta. Ido ajaatar ngesi ngun. Kwana, inyobo? Eroko Akirot kekoraria kinga ka aitodiar, ajai Musa airap ekereet, naarai mam Akirot etodiaritai angetakin kere. Ajenete kesi ebe eswamaunia icebore, konye mam kes ajenete nuarai ngin, airurum ka agiro. Kiton, kesi atemar, "Kiner Musa, ido mere Edeke."

Kosodi Edeke atemar atiar, "Eebo, abuni Eong aswam ngun. Ageun lolo, mam bobo Eong abuni aiyatakin atakanun koipone kalo. Ejukakini Eong kes enabi. Tetere ngol...Abuni Eong einer kotoma onabiKa."

50 Kwana, arai abu Musa, kede ekisil loka akuan, (Kwape abu Paul, kotoma Okorinton Luaareit kopukokina oni), ajai nges arapiar ekereet kede nuka akuan, biai bodo keponiata nuka Omoyo araut nukaibuses ido korapiara kaneeejai yenimam iyuunit eroko epukoria mamake! Biai bodo tikenyarata kesi... Musa kwape lokitegelikina. Biai bodo eponiata kesi anyara ijo, lokitubor toma aigalisit, iloma da toma Opir loka Akim, kilom kinga kede Arereng! Ido kwana irapiaritai ijo. Mam itunga epedorete aanyun. Mam epedorete amisiilkin Ngin.

"Arai eraas nuka akuan nukaibuses, biai bodo eponiata nuka Omoyo ajaun! Erai apotu nuka akuan, nujaatar awasiakec, ajai araut nukaibuses, biai bodo Nu nuemameotor awasiakec, eponiata araut nukaibuses!"

51 Konye, eroko, Ngin erapap. Erapap mere neejai ikeyuunan, konye neejai yenimam iyuunit. Mam ngol epedori aanyun Ngin. Erapiantar duc Edeke kama ejai yenimam iyuunit. Itongopete inonosio Ngin. Kwape kopotu kismatar kolo, iswamaete ngun lolo da.

Erai ngin arapiaret naka Omoyo nakijaar oni kwana, kotoma aiboisit najai arapiaret naka akaun. Itogogogotai ngun kede enabi ka Akirot Naiwdikaere, ekadwaran, ngol loabuni kede Akirot naiwadikatai, kanu aisideleleun Ngin.

Ajenete kesi ebe ajai Akirot, konye mam kes ajenete apolou naka Ngin. Kosodi Musa aisideleleun Ngin. Abu ngesi kotema atiar, "Ebalaa aicorakineta Nu, ido na nges apolou." Abu ngesi kisideleleu Ngin. Ido naperoko isedeleleunia Ngin, arapiaria.

52 Ido kwape kwangin, lolo da, erapiara neejaas itunga, kiton nakepukorere ka aisideleleun neejaas itunga. Edeke, Edeke lokapedor kere, erapiara kotoma akuan naka etunganan, Akirot. Koany. Kwana idumuni oni ebe arapiara Ngin neejai yenimam iyuunit, konye kopukoria neejai ikeyuunan.

Koany, ajai Musa alomar Opir lo loka Akim, nges bon. Amamei itunganan alosit kede nges. Mam arai... ngin...Inyobo ejai ngin alimokin oni? Ebe mam ijo ipedori alomun toma Ngin koipone loka alomar atukos naka Pentekosit. Ianyu? Mam Nges epukokinit Ngin neejai atukos. Epukokit Ngesi Ngin itunganan idiopet. Ido eipone ngol ejaar kwana. Ibalaa ijo ebe, "Ajai eong o-okanisa. Ajai eong-eong neejai lo." Konye mam ngin epedori aswam. Ianyu?

Ido kanu idiotunganan aitam atupakin Musa, aituput nges, arai atwanare. Kwape kwangin lolo da, atwanare nakomoyo, aitam aituput. Ngin nges erai...

53 Atibong na, ijai oni alomar toma, ejai anyoun kotoma atukosia, aituputunoreta naka akuan: icetungan aitam aswam bala Ngin, ido kojari aijar naitegelikina; epedori aimat ajon, epedori aimat esigala, epedorete angor aijar ediopo...noi noi koipone edio loekototor, ido bala akwapin, kosodete aiboi ore ka asesin esinema, ka iboro luka akwap, ido oroko kereka enyaraikina ebe luka Penetekosit. Etamitos kesi aituput lokabeit. Mam cut epukokinitere Ngin mamakec, ber. Kepukori Ngin, erai naka aibuses, ido elemari icebore ngun kotomakon kiloma ijo toma Ngin. Iraun ijo arapiaret. Erai...Mam cut epedori aswam. Ido aituput Ngin erai atwanare.

54 Arapiaret naka Musa; arai ngesi Akirok nakajaran neejaas itunga. Ido lolo, itunga luerapiaritai eraas ibore ngipengin. "Eraas ibaluan luiwadikatai, luesiomete itunga kere." Mere ebulua lokitetet; konye Ebalua loedaunitai aiwadik, itodiaritai. Erai-erai ngul luiyuunitos Akirok ka aiasumunet naka apak kana, kes ejai Edeke abukokin Emoyoke, toma awat kere, ido ngol nges ebulua loiwadikatai. Ido naketamia itunganan aituput ngin kotoma akuan, ebonguni nekon erono. Itodunit aijarakon nuirai ijo.

55 Apak adiopet ajai etelepat, abu nges kodum ationis. Arai ngesi etelapat lokajokan, konye abu ngesi- ngesi kolot okooti. Kosodi ekatubon atemar, "Adum eong ebe ikamunitos ijo akiro. Ibusakinit eong aitisilar ijo aenio angetakin aijarakon kere."

Abu ngesi kotema atiar, "Akoto eong aitub ekamusago eong elopet." Ebalua ebe, "Akoto eong alosit toma ajenanutuka."

Ebalua ekatubon ebe, "Emamei ijo ajenanut. Akonijenanut nges napekitubon ijo."

Ido koipone kangol nges ejaar lolo, apolou namam ekanisa epolooror kwape tikibusakinitor. Erai ajenanut. Erai aijar. Ekoto oni arai luiyatakini ainakin noi. Ibusakinit oni aiyuun nginikirot naka Edeke. Ibusakinit oni aimo kiton nginikirot araun ibore ilopet kamawok. Ianyu? Ianyu? Erai ajenanut nges irieborit oni kotoma alomar roma.

56 Konye apak adiopet, (kanu ainakin ijo alomun kinga naka aigalunet kana), kotoma okooti kalope kalo, amameotor etelepat isirigin. Mam nges apedori atacakin ngin. Arai aitegelio kotoma olukumin luka idolai. Konye ajaatar ngesi onac lokapolon loabu kobu kosodi aitac ngin kanuke.

kwana, kijaar oni Onac lokapolon, Yesu, Okoku loka Edeke. Ido abu Ngesi kobu atacakin ngin kanuwok, arai ipedori oni aiyuun kasodete apedor alomar toma aigalisit kede Nges. Bala, erai Ngesi Musawok. Yesu nges Musawok loka lolo. Musa, erapiara, arai akirot nakajaran neejaas itunga. Lolo, Yesu, erapiara, nges erai Akirok nakajaran neejaas itunga, Yesu, ngol kotoma Okanisa. Emoyo Lokalaunan, Okoku loka Edeke, epukori Akirok kotoma kede aisumunet naka apak kana, ibecokini Ngin cut kotenan. Kwape kwangin kwana da.

Ido kiitu, abu Musa kiswama nu, kosodi aitodiar nu mere neejai akwap kere, konye neejaas itunga luka anyoun, atukos adiopet bon naka itunga, kesi ngul luapotu kolomutu kinga kotoma anyou-...kotoma anyoun.

Ido lolo, Emoyo Lokalaunan kakonyen nuka itunga luebalas ebe, "Mam aitangal naka Edeke edolit." Neajaar eong aingitanar...

57 Abu emuron kanyara eong, apaka kaya, kanuikamunitos aberu, oo, ajaunos adekak iwongon arai ikany kangina, eperete kotoma adoketait naa atwanare, koinakitete isawan, kosodi Emoyo Lokalaunan aitangaleun ngul. Ajai emuron abunokin ngun. Ebalua ebe, "Epedoros nu biai? Inyobo," ebalua ebe, "Eong-eong...Erai ngesi ekadekanika."

Abu eong atema atiar, "Arai. Konye kwana erai loka Edeke. Erai-erai loke kwana." Ianyu?

Ido kwangin iseseni ijo ibore yenerai ngin, ebe erai Edeke ejai anyara anyoun, alomun kokau kotoma aigalisit naka akuan loetamit aituput, loetamit alomar okanisa; mere Methodist, Baptist, Presbyterian, kere nepepe, dimarai ikanisan luka Pentekosit. Erai akirot naka itunganan idiopet. Erai ijo ka Edeke. Ejai ijo alomar toma, mere atukosikus, mere ekusikanisa, mere ekonicokon, konye erai ijo nges ebeit alomar toma.

58 Akoto eong ijo amisiikin einono ece loka Musa, nakelomunia ngesi kinga. Konye kereka, korai enabi, kwape etunganan lokapolon loarai ngesi, nakelomunia ngesi kinga kede Akirok, apotu itunga koanyutu ebe ejulakina ngesi. Abu icebore kiswamaikina nges. Neabu ngesi kobunio kede Akirok naitogogongitai naka esawa, aicorakineta, arai ngesi etunganan loejulakina.

Ido kwape kwangin ijaunor ijo da, nakilomunia ijo kokau kotoma aigalisit naka etunganan loepedori akenar airiamun kwape nat kana; etunganan ngol loepedori aiguiquin kotoma aitangal naka Edeke, kosodi atemar ebe atuboros apaarasia nuka nukapedor. Ilom ijo kinga kokau naka aigalisit kangin naka etunganan kangina, aigalisit naka einono, ido nginitunganan kere ebuni ajenun abu icebore kiswamaikin ijo.

59 Bala kwape onacewok luketiai, Jim Brown. Aomit eong bala itunga luka Presbyterian luipu ejenete nges, naarai elomunit ngesi-ngesi kokau naka aigalisit naka einono. Abu ngesi koany icebore kotoma otunga, yenabu kiriu nges, kosodi ngesi alomun kinga kokau naka aigalisit.

Eebo, ijo, nakilomuna ijo kinga kokau naka aigalisit, ibuni ijo ajaun toma aideleleun kaileleba kama ejai asesen naka itunga apak ngin, ebe epedorete kesi aanyun ebe eswamaikin ijo icebore. Akirot naerapiaritari, kaneejai yenimam iyuunit, konye idelele kaileleba kaneejai ikeyuunan. "Yesu Kristo ngopengol bian, lolo, ka ikar kere."

60 Akepolou, arai do Edeke. Kotoma apakio kangun, arai Edeke kotoma Otunganan, Okokuke, Yesu Kristo. Iyuunit oni ngun. Mere enabi enabi tai, mere etunganan etunganan tai, etunganan tai. Arai Edeke kotoma Kristo; Edeke kotoma Otunganan; aileleba naka Edekeone, kotoma Otunganan. Edeke kotoma Otunganan!

Kwana erai Edeke kotoma otunga, aileleba naka Edeke kotoma Odekeone, kotoma akuan kotoma Okanisake kere, itodiar, itodolikini Akekirot.

61 Kwana idumuni oni ebe, Edeke, kotoma aturio kere, ejaatar akuan kotoma Ngin. Nges, Edeke, angopit kokau naka aigalisit.

Isitiikini ngin eong a-acekirosit nabu kiswamaun kalaije ko Angalakimak. Ido kwangin ajai ekal loka Ekristayot. Ido kotoma okal kalo loka Ekristayot eyuunitos kesi Edeke, ido aomitos kesi-kesi ebe-ebe ayuarit kes Edeke kotoma atiokisio kere. Ido, nape, iswamai Ngesi. Ido ajaatar kesi ikoku yenididi, itelapat nepetai ikar ikanykaarei arai ikanykauni lukapolou. Kosodi ngesi -ngesi alosit osomero loka Naesabiiti ido arai ngesi itelapat yenajokan noi. Konye abu ngesi okurianar kotoma owolobos, aitelekaarit nejaatar ekipie imiliaunenei.

62 Kasodi eong alimokin etunganan lo, apaaran kaya, nealomunia atutubet nabu kolom naikamunit etunganan ngol angaleun. Ebal a ejaanakinan ngopengol ebe, "Itarunitos do ijo edeke, Onac Branham."

Eebo, arai ngesi eketoronan, aso aomit eong bala ti aisub bala atetemun ngin, mot. Mere kanu aimusung, ijeni ijo, konye bon aisub bala...Abu eong atema ebe, "Biai ngin elwanikina tope kaneejai Naiwadikaere, araut ngun?" Ianyu? Eong ebe, "Mam, mam cut elwana," abu eong atema atiar, "naarai anyarit Yesu inabin ebe 'idekesio.' Ianyu? Edolit ngin, Edeke."

Ido ebalas kesi ebe, "Eebo, yesi itunga itamitos ayanagar aiboisit naka Edeke." Mam ngin elwana noi kinga. Ikote cut nen becebec. Cut becebec kwangin. Edeke itodiara kotoma kuan, cut kwape kesumunikitor Ngesi.

63 Ekal lo, idumuni oni. Abu eong alimok nges akekiro, nuapotu toma aomisioka kwape kwana. Ebe, akuar adiopet abu ewolobos kobu, kosodi toto atemar Junior atiar, ebal, "Kwana, kolot kuju agoola naka okuju, okoku, kosodi alosit ojamu."

Ebal ebe, "Toto, akuriana eong," ebal ngesi.

Emamei ibore yenelosi aimusung ijo. Kolot kuju kosodi alosit ojamu."

Aperi Junior kokuju kangina, ido imilia ekipie kodirisan. Kosodi ikesa yenididi akurianar, abu ngesi irupak akekou kwap naka aiburet naka ejamu, ido aroko ngesi apedorit aipup e-ekipie, arai asesen aimiliaunun naka ekipie kodirisan, ka aipup agat naka airurum. Aso abu kotema atiar, "Toto!"

Kwape katemaria ngin atiar, "Inyobo ikoto ijo, Junior?"

Ebal. "Kobua kuju lailo kojotooto keng."

Aso abu ngin kodoka kuju amadala, kwape kismama toto najokan, naepodokinit. Kosodi ngesi adokar kuju, kosodi aidak Junior kakaninike. Kosodi atemar atiar, "Junior, ekoto toto ainerakin kajo ipak edit."

Ebal, "Eebo, toto."

Ebal, "Kwana ekoto ijo aijen nuta. Ilosenenei oni okanisa, kainyikokinit. Isiomi oni Ebaibuli. Ilipenenei oni. Irai oni ekal loka Ikristayon. Iyuunit oni Edeke." Kosodi atemar atiar, "Iyuunit oni ebe, kotoma okwamin ka nuelosete ngaren kere, Edeke nges ayuarawok."

Abu ngol kotema atiar, "Toto, eyuunit eong nginitutubet naka ngun. Konye," ebal, "Naeyapiar ekipie ngol, ebal, "Epuda eong Edeke enapit emukule."

64 Aso, aomit eong-eong, mere Junior bon, konye oni da ipupi kwangin. Nakiriamunor oni nepepe, nakilipanakinor oni idiopet kayenice, Edeke kede akuan kotomaKe.

Ido idumuni oni ebe kane ebe ajaatar duc Edeke akuan naenapi Ngesi. Neanyunia Musa Nges, anapit

Ngesi akuan, asubit bala Etunganan. Kojai Edeke kau naka aigalisit, ajaatar Ngesi akuan na nakenapit Ngesi. Ido Edeke, atibong na, kotoma Okanisake, erapiara kotoma Okanisake konapite akuan. Eroko Ngesi erai nges Edeke ngopengol, atibong na. Ianyuni oni ngun.

Konye kwana, kwape duc, aigalisit naka akuan nges ikamuni inonosio. Mam kes epedorete aiyuun ebe Edeke ngol einakit itunga ngul aswam koipone kangol. Ianyu? Erai naarai erapiara Edeke kotoma Okanisake, kotoma akuan, enapit akuan. Edolit ngin. Engopit Ngesi kama ejai yenimam iyuunit, ido kopukoro neejai ikeyuunan. Eebo, lokapolon.

65 Kwana, neabu aigalisitikec naka einono, naka inonosio luka imakio ka Akirot, ebwaingi kiton toma, oo, ejena bodo ajen, lolo, ideleleuni do, iseseni oni Nges, Edekeoneke bobo erapiara kotoma akuan naka etunganan. Iburanian 1 abala kwangin.

Kosodi bobo kotoma Ageun 18. Kiitunitos yesi, arai Edeke Etunganan, ebwoi kangina, enyami, ido kinerasi ka Aburaam, kosodi alimun nueswamai Sara kowema kokauke.

Ido abala Yesu ebe, "Kwape ajaar kotoma apaarasia nuka Sodom, kwape kwangin ejaunor kapak naka abunore naka OKoku loka etunganan." Edekeone erapiara bobo kotoma akuan! Kwana, kiitu, mam Yesu abala ebe, "Apak naepukorerere Okoku loka Edeke." Kotoma Luka esula lo 17, eyuunit eong, ido nepetai ekokoro lo 20, 21, nepenen, abala Ngesi ebe, "Ido nakepukorerere Okoku loka Etunganan." Okoku loka etunganan, abongun toma-toma-toma Okaniusa bobo, epukoritai kotoma otunga; mere Okoku loka Edeke, konye Okoku loka etunganan bobo, abongun toma Okanisa bobo, kotoma apaarasaia nukawasia. Idumuni oni ebe esumunikit Ngesi ngun kotoma aisumununeta nuka Edeke.

66 Ianyuni oni icebore, kotoma Aitutuket Namojong. Kijaar eong Naiwadikaere ne, kotoma Anyoun. Ebe, emukule loka akuan lokolo, inyobo abu ngol kiswamau? Abu kibwa Aibuses naka Edeke kama ejaas itunga. Emukule loka akuan; karaida itunga mam apedorete aanyun Ngin, naarai arai akaun adakit Ngin. Emukule nges...Ajai Aibuses naka Edeke kau naka akuan.

Ido kwana ejai Aibuses naka Edeke kau naka emukulekon. Edolit ngin. Ido mam inonosio esesenete Ngin. Ejai toma naka aigalisit, neajai Akekirot.

67 Ibore yenajai toma naka emukule kangol kokau kangina, emukule loka akuan lokolo?

Na "Amamei aibuses kamake ebe ipudakin oni Ngin. Ido nearaunor akuan kiboiroroi kakidingosiwok, aroko amameotor aibuses tetere oni imielakin Ngin."

Ido kwana ibore ngipengin lolo. Eamei ibore kotoma okiliokit arai aberu, yenepedorio aimielakin. Erai nuajaas kau ngina. Kes nuejaas. "Eebo, ibala ijo ebe, "ekesa ngol, ajeni eong abu ngol korai ekamerat. Amina ngol aswam nu." Mam eong apodo nuatapit nges aswam. Inyobo ibwaa kokau naka emukule? Inyobo ejai kau ngina, ngun kes epolok. Ibore ngin, nges itumudakit itunga. Emukele itumudaki itunga. Ianyu? Ebalas kesi ebe, "Eitunit eong neatapitor aberu ngin aswam nu." Ejeni eong nuatapit nges aswam, konye dobodo kwana? Ianyu?

Imukulen ngul, lusek ajaas toma akuan, konye kwana ibwaitos Aibuses naka Edeke, erapiaritai Ngin kokauke. Ajai ber toma otiang konye kwana eburit Aibuses naka Edeke.

Ido kwape kwangin epedorere aijulakin emukulekon da, atibong na, aitarauanio etogo loiboio Edeke, Edeke iboie kotoma otunganane.

68 Kosesen ber ijo imukulen luka akuan lukolo, idumuni oni ebe, kokau arai...Toma ngina ajai Akirot. Ido, Akirot, ajai emugaati loka aitodikin. Abwasitai asaduku. Ido araibo ngin inyo? Ajai Aibuses naka Edeke toma ngina.

Kwana, erai Akirot Ekinyomit, ido mam elomuni kiton Ngi-...Okoku acaikin Ngin. Ekoto akolong kojai kuju naka Ekinyomit, kanu ainakin Ngol aira, kanu ainakin Ngol alomun. Ido ngol bon nges eipone. Iyangari ijo Akirot, itei ijo, ayangar Akirot naka Edeke toma otaukon, kosodi alosit toma Aibuses naka Edeke. Ido nakilomaria ijo, eyangauni imugaatin luka aitodikin, Emanu, erai ngin naeinakitai kanuka itunga luetiakunitai bon. Ibore bon yenepedori ainyam ngin, luecamakinitai ainyam ngin, erai bon itunga luecamakinitai ido kojenete Ngin. Abala Paul kane ebe, "Aijulakin anyoun Aibuses kiton Aibuses." Itei ijo, awasiake, ebuni kiton naebonguna toma Aibusesuke nasodit.

69 Eputos bala ekinyomit luka aibuses naka atupuruc. Ecokat loka aturot edoi ngol kwap toma alup. Edoi acokat loka emudunga toma alupok. Inyobo ibore yenisodit? Elomuni, ido erai atorom. Kolosi toma aturot. Kosodi do anyoun aturot, kobongori toma ageunet bobo.

Eebo, ngun cut becebec kes eswama Ekanisa. Abu kobu kaneejai Luther, Wesley, ido kwana abongo toma Ocokat lokageunet, abongor toma Aibusesuke naka ageunet, abongor toma Aibuses najaatar Ngin kageunet. Okoku loabu kojai Kokide, erai Okoku ngopengol nges ejai aitodiar ibore ngipengin koto, aijulakin anyoun Aibuses kiton Aibuses. Abu ijulakin anyoun okapirione, kiton Luther; ido anyoun kaneejai

Luther, cut kiton Wesley; anyoun kaneejai Wesley, kiton Pentekosit; ido ngaren ka ngaren, aijulakin anyoun Aibuses kiton Aibuses, itolomuni Emanu loibwaa.

Ido kwana ationit, kanu ainyakun Nges cut becebec kwape kajaar Ngesi kageunet, aijaanakiniKe ngipengin; Yesu ngopengol, apedor ngipengin, Emoyo Lokalaunana ngopengol. Ediopet ngopengol loabu kobu kwap kotoma apaaran naka Pentekosit, Emoyo Lokalaunan ngopengol nges itodiara lolo, anyoun Aibuses kiton Aibuses, kiton Aibuses. Ido abongo toma Okinyomit yenikageunet, kede Aibatisao naka Emoyo Lokalaunan; kede aanyununeta ngupengun, nukaumokin ngupengun, aibatisao ngipengin; eipone ngopengol loka itunga, iswamaete koipone kangopekangol, kede apedor ngipengin, asubanakineta ngupengun. Arai anyoun Aibuses kiton Aibuses. Ido loetupakini ebuni araut, "Loijulakin anyoun Aibuses kana kiton toma akuan bala nake Obe akuan naka aibuses, neibunio oni aanyun Nges." Abu Aburaam koany ngopengol.

70 Kwana koany. Iseseni oni eipone loabu kijulakinor. Anyoun ko Kalvari, isukunyikitai oni aimor Akeibuses. Kwana, kotoma Okoriton Lusodit 12, "Kibatisaikitai oni toma Akuanike. Kede Emoyo ediopet kibatisaikitai oni kere." Mere kede adiopet "akipi." "Emoyo ediopet, kibatisaikitai oni kere." Edolit ngin, kwana, kasodete araun atutubeteKe.

Amuno eong ebe mam eong ajai aisibo yes adaun aojau. [Kotemari atukos ebe, "Mam."-Ekewa.] Ianyu? Amuno eong mam eong ajai.

Konye, eputosi bala irameta lukapolok luka emiusik lueboliasi, arai luejaas aswam abolia.

Mam eong ajeni nuipu nuikamunitos aremeta nuka emiusik araibo abolia. Konye ajai eong asesen abolia na...Ajai eong einer nuikamunitos Carmen, neajaatar akokuka kakes ajaas tomake. Ido ajaas kesi-kesi abolia kotoma arameta kanu, kotoma Carmen. Ajaas kesi aswam abolia. Ajai-ajai-ajai emiusik abolia ibore ngipengin.

Eipone ngol ejaar nakibatisaere ijo ka Emoyo Lokalaunan, toma Kristo.

71 Kwana, itei ijo, luipu kotoma kayesi isiomitos ido ipupunitotor awaragat naka ekewadikan laobu kiwadik akirot ebe Petero Ka Ekue (Peter And Wolf.) Ido eipone loabu ngesi, eboliaete kesi ngin kotoma adeudeun ka nginibore kere. Ido idiotunganan yenejeni awaragat ngin, luesiomete ngun kotoma apapula, ido kopedoritos aipup arametait ngin, eipone loejaar aboliaun ngin, abolia, aramun ngin, inyobo, ejenete kesi nginijulakinet. Epedorete kesi asesen ngin kane, kosodete aanyun aijulakinet.

Konye, kwana, inyobo iswamaun arai-arai iwadik ekewadikan icebore, kasodete oni idumun ebe mam eboliatai ngin ejok? Idumuni do oni ebe ejai icebore yeniswamaun. Ejai icebore yenekadad, nakianyunia oni kes. Ngol loewadikai ngin adau aiswamaun ngin kosodi aiwadik ngin, kosodi do arametait aboliakin ngin, oramakini aruo nakaronon. Ejai icebore yenerono. Ainakini loingarenikinit aitodiaret nakaronon. Ianyu?

72 Ido ngin nges ationis lolo, ikanacan luka Lutheran, ikanacan luka Baptist, ikanacan luka Pentekosit. Kere ikanacan luka idiinin kere luegelegela, erai nges ngin. Ianyu? Itamitos yesi ainakin aruo naruo kokau sek kotoma apaarasia nuka Luther, Wesley, koipone kangol, konye kereka, abeit cut, itodie Apapula naka emiusik ebe erai apakace. Ianyu? Ianyu? Ianyu? Mam oni ipedori aijar kotoma aica naka Luther; arai ngol ekasikwarunan. Isialamikinit oni ake-aketutubet, konye kipou oni adautu aboliar ngin. Kipou oni ajaas lailo toma kau naka Eitabo kwana. Ianyu? Mam oni ipedori-mam oni ipedori abolia Ngin koipone kangol.

73 Kwana, eipone ediopet bon loilosio oni apedor aswam ngin, ikanacan, nges lo. Ido inacan kotoma akwap, luka atutuben nuegelegela kotoma akwap, apedori eong alimun ebe, ejai eipone ediopet bon kanu ngol-ngol loingarenikit aswam. Ejai ngesi alomar toma Omoyo ngopengol loajaatar Ekewadikan toma, akepolou adumu do ngesi Ngin. Ido nebunio ekanisa, Arametait alopet, nakengicakinitor akwap kanuka aanyununeta kanu ka nukapedor; nebunio Ekanisa, ka Ekewadikan, ka loingarenikit, kere alomar toma Omoyo loka Ekewadikan.

74 Ido nakebalatar kesi ebe, "Atuboros apaarasia nuka nukaumokin," mam ibecokina aruo nakabeit.

Konye nakedolokina toma aikunyakineteke nakabeit, ka Emoyoke lokabeit; eipone ali ilosio ijo aswam ngin kiton nakebunio Emoyo abunore kwap, loka Ekewadikan? Amen. Aso nakilimuna ijo ebe, "Mam cut apaarasia nuka nukaumokin etuboro." eruikini Arametait ebe, "Amen!" Nakitiroria oni, ebe, "Yesu Kristo ngopengol bian, lolo, ka ikar kere," emonyakini Arametait ebe, "Amen!" "Idumunete apedor kidoik yes Emoyo Lokalaunan." Eruikini arametait ebe, "Amen!" Adum eong Ngin!" Emamei bobo aiyatakit amurwo nuikamunitos ngin do. Arameta kere eupasi cut ejok kede Akirot. Elosi...[Ibapakini Onac Branham akekanin irwanauni-Ekewa.] Ikoni nen. Oo! Erai ibore yenepol noi. Loingarenikit ka Ekewadikan ekoto kojaas toma Omoyo ediopet. Ido kwape kwangin ibusakinitor ikaramak da ajaut toma Omoyo ngopengol, kanu aitolomun Ngin kere. Ido eumokinit akwap nuejaas alosit ngaren.

Communism nainerasi kesi nuke, kosodete ainakin eong adek kanuka ngin, ka aimorikikin na kere ka

nginibore kere, ka atiakatiakaun. Oo, aitim! Iboro kwape kangul, amamus aijen na kere, konye koyapie Abunore naka Ejakait, ejai icebore yeneruo erono. Akuriana eong ebe ejaatar loingarenikit....Alomasi luingarenikitos kinga naka Emoyo loka Ekawadikan.

75 Kidum oni Emoyo ngol loka Ekewadikan, apedor ngin nasodit naka Edeke nabala Ebaibuli, "Ewadikaete itunga lukolo Ebaibuli kingarenikite Emoyo Lokalaunan," ianyuni ijo atutuben ngun aarei nuka apapulai nuka itunga luka China imorikikinos nepepe, cut kwape imorikikinotor Ebaibuli ka ikeyuunan nepepe, naarai ejaas kesi kere iarei toma Omoyo ediopet. Eraas kesi kere ibore idiopet. Erucokina kesi cut kaitebeikin nepepe. Ibore yenipuda oni lolo nges ikengarenikinak, edolit ngin, abongor neejai Akirot, abongor kasodete aiyuun Ngin cut kwape kabalar Ngin. Kwangin ianyuni do ijo Edeke, elopet. Erai ngin apukorio. Aitaraun abolia ibore ilopet.

76 Lolo, ebalas kesi ebe, "Eebo, erai Ngesi Edeke lokolo. Ijeni oni ebe abu Ngesi kotub Angolol Nakarengan. Abu Ngesi kiswama nu kere. Ido abu Ngesi kojai toma oupa loka akim, kede odwe luka Iburanian." Inyobodo ajokis naka Edeke lokolo, emamei, arai mam Nges erai ngesi ngopengol lolo? Itopoloorit duc etunganan Edeke kanu abu Ngesi iswamate, koomoomoi nuibuni Ngesi aswam, ido kopalunite nuejai Ngesi aswam. Ejai ngin toma otunganan kanu aswam ngun. Ido ikoni nepenen lolo, ikanacan. Erai cut ibore ngipengin. Oo, ikatunga!

Abongosi ber oni kau aitemokin arametait abolia ejok, nakepedoriata kesi luka akwap aanyun. Abala Yesu ebe, "Arai ikeun Eong kuju kotoma akwap kana, eriuni eong itunga kere Mamakang." Ido, "Erai Nges ngopengol bian, lolo, ka ikar kere."

Kolomasi luingarenikinitos toma Omoyo lokabeit, kede ikaramak acuuman ka Ekewadikan, nginibore kere ebuni ajokunar. Akepolou irai oni, emamei aipwak iboro kanuikamunitos ngin, itodiar do oni ka Nges. Iburanian 13:8 ebala ebe, "Ngesi ngopengol bian, lolo, ka ikar kere."

77 Itodiara oni ka Nges kotoma Aswamasio 2. Itodiara oni kakes, kede aibatisao ngipengin, ibore ngipengin. Kere nuarai Ngesi kolo ka kere nuerai Ngesi kwana, kere nuabu Ngesi korai ka kere nuerai Ngesi kwana, irai oni da. Ikoni nen cut nen becebec.

Esubit bala arai akoto eong araun etunganan loka America, ebeit eong aitodiara kede nginibore kere yenejaatar America, nginibore kere yenerai akwap ngin. Ebeit eong aitodiar kede ngin, arai kereka arai eong etunganan lokabeit loka America.

Arai tope arai eong etunganan lokabeit loka America, akepolou abu eong adoo kuju Moru lo Plymouth. Amen. Abu eong eswama ngun, arai arai eong etunganan loka America. Kwape kwangin ijo da; abu ijo kodoo kuju Moru lo Plymouth kede lukapapa luaraas ikalotok. Kuju Moru lo Plymouth, nakedoioto kesi ngina, abu eong ajai kakes; kwape kwangin ijo da, nginitunganan.

78 Abu eong erengei kede Paul Revere, cut kalaije korot, kanu aikwenyar ngin kanuka ationis. Edolit ngin cut becebec.

Cut kokwap kalailo ko Valley Forge, abu eong atub ecilet lo Delaware loikakoikit, kede atukos naka isirikaale lu, atutubetekec, mam anapitos amuk. Abu eong elip akuar kere kede George Washington, eroko apak. Abu eong atubor ko Delaware kede aitapoet kotoma otauka. Irai oni itunga luka America. Eebo, lokapolon. Ko Valley, abeit cut abu eong araun.

Abu eong enyaka aiyalama kede lukapapa lokageunet Luesialamikinikinet. Abu eong enyakak aiyalama neejai Edeke. Arai cut arai eong etunganan loka America lokabeit, abu eong etodiar kangina komesa.

Arai cut arai eong etunganan loka America lokabeit abu do eong etodiar neabu eong abwoio kede Stonewall Jackson.

Arai eong etunganan loka America obe, abu eong etodiar ko Boston Tea Party (Aidia naka itunga luka Boston kokar 1773 kanu aitepegitor isolosinei luka amajaani,) eebo, ipa, neapotu oni kangeriotor iboro airiununio kotoma akonyewok. Eebo, arai cut arai eong etunganan loka America obe. Abu eong etodiar kangina kede ngun. Eebo, ipa. Oo, ikatunga!

79 Abu eong aramak Edongot loka Alacakinio, atutubet nakiwongonet nasodit naka olap loikanyetkaarei, kokar lo 1776. Abu eong aramak Edongot loka Alacakinio kane kasodi alimor ebe ipugaikina oni bon. Kanu araut etunganan obe loka America, ajai eong aswam ngun.

Abu eong etodiar kede ileic kotoma Ayangaun aijulakinet, neabu onac kitijio. Ejai eong ainap ileic, kwape ebeit eong ainap akeibuses. Arai cut arai eong etunganan loka America, ejai eong aswam ngun. Abu eong etodiar kede ngin. Eebo, ipa.

Abu eong etodiar ko Gettysburg kokwap kalaije, neabu Lincoln koinakina ekeiner. Eebo, ipa.

Ajai eong laiye Wake Island, neajaas awate nuemodimoda aokot nuka isirikaale. Abu eong ajar ko Wake Island.

Ko Guam, abu eong engarak aikiar emeedera.

Arai eong etunganan loka America obe. Amen. Nuerai akwap ngin kere, arai eong, ido apoga eong kanuke. Eebo, abeit cut. Kere nuaraun America, kere nuerai ngin, aroko eong da arai ngun, kanu araut loka America. Nginibore kere nuarai ngin, ejai eong araut, naarai etodiara eong kede ngin.

80 Ibore ngipengin, kanu araut Ekristayot lokabeit, ebeit ijo aitodiar kede ngin.

Abu eong alimonok kede Musa, kasodi akwenya-...araibo kede Noa, kasodi aikwenyar itunga kanuka etube loabunit; kanu araut Ekristayot obe.

Ajai eong kede Musa kokiote loanokie. Abu eong aany Epir loka Akim. Abu eong aany Akeibuses. Ajai eong ka Musa kuju laiye kotoma amodingot, kanu araut Ekristayot. Ejai eong aitodiar kede nginibore kere yenarai Edeke, kanu araut Ekristayot. Abu eong aany Akeibuses. Abu eong apup Eporotoke. Mam itamakini aitetemun ngin awai kama ajai eong kwana, naarai abu eong ajai ngina. Ajeni eong nuenera. Abu eong kaany nuapotu kiswamaunos. Eebo, ipa.

81 Abu eong ajai Angolo Narengan, neabu eong aanyunia Emoyo loka Edeke ijesun kwap kosodi aitiak akipi kosiep ediopet; mere kotoma atukos naka italesio, luetamitos kesi atemar lolo, konye nepetai angolol naka ipuutin akaisakanykaongon. Abu eong aany Emoyo loka Edeke elosi ka Musa kotoma akwap ngin naonit, atubor Angolol kangin Narengan.

Abu eong abwoi kosiep naka Moru Sinai kasodi aanyun agat ka eimil ibirunun. Abu eong anyam Emanu ka ngul kangina. Abu eong amat kotoma Atiida. Aroko eong eswamai ngun atibong na. Abu eong etodiar kede ikanyamak Emanu. Abu eong etodiar kede ngul luapotu komatata kotoma Atiida.

Abu bobo eong etodiar neabu Yosua kokutakina arupepe, kosodete arwatatin nuka Yeriko aitianakin kwap.

Abu eong ajai abua naka ingatunyo kede Daniel.

Abu eong ajai oupa loka akim kede Odwe luka Iburanian.

Abu eong ajai Moru...kede Eliya kuju Moru Karamel.

82 Ajai eong kede Yokana ekebatsian, ido kakonyen nuka iketepegak kangul. Abu eong aany Emoyo loka Edeke ijesun. Abu eong apup Eporoto loka Edeke ebala, "Lo Nges Okokuka lominat loalelia Eong aiboi kotoma." Eebo, ipa. Abeit cut etodiara eong kanges. Edolit ngin cut becebec.

Abu eong etodiar kangina kates naka Lasaro, neabu Ngesi kitajarunia Lasaro. Abu eong etodiar, aberu naka atan, neabu Ngesi kolimokina ngin akediakanareta. Eebo, ipa.

Abeit cut abu eong etodiar kede Nges kotoma atwanareke. Ido abu eong etodiar kotoma Opasika losodit. Abu eong ajar kede Nges okatwak. Etodiara eong kede Nges kotoma atwanareke.

Abu eong ajai kede itunga akwatat akaisaarei, kotoma agoola nakokuju. Abu eong etodiar kokuju kangina kede ngul. Hei! Apupi eong-eong aimoyoikit, Oo, ikatunga! Abu eong etodiar kangina. Arai eong ediopet kotoma kakesi. Abu eong ajai ngina apak naeswamaunor, kanu araut Ekristayot lokabeit. Abu eong kaany akwam lokapedor loakusi noi ebunit. Abu eong aany ngun. Abu eong apup apedor naka Edeke kwape ketamarana. Abu eong ajai ka ngul luapotu kinerata kotoma angajepa. Abu eong apup ainyonyoikinio elomuni toma ngina. Abu eong ajai kakes. Abu eong atodiar kakes neageunia Emoyo Lokalaunan einer kotoma angajepa, kede kes.

Abu eong ajai ka Petero kakonyen nuka iketepegak kotoma Aswamisio Nuka Ikiyakia 2, neabu ngesi kolimonokina akirot nakaumokin nabu ngesi kolimonok. Abu eong etodiar kede nges. Eebo, ipa.

83 Kotoma Aswamisio 4, neatukokinotor kesi nepepe, abu eong ajai kede kes neamaranunia etogo. Akaulo naka airiamun naka ailip, abu etogo komaran neeboioto kesi. Abu eong etodiar kangina kede kes.

Abu eong alimonok kede Paul ko Areopago. Eeba, ipa.

Abu eong ajai kede Yokana kotoma amodingot naka Patumo, kasodi aanyun Akebunore nakiareit.

Abu eong ajai kede Martin Luther kotoma aisikwaruunio.

Abu eong ajai kede Wesley, atotolet ngin naka akim; naegwareputai kakim, neabu kojaunor aitepegio nakapolon naka ekanisa loka Anglican. Abu eong ajai ngina kede nges.

Ido eong lo ne atibong na kokar 1964 kotoma Piladelupia, Pennsylvania, etodiara kede eipone etukos

kwape kangin, kede eipone ejautene kwape kangopekangol. Ibusakinit eong ajaut, kanu araut Ekristayot. Ibusakinit eong asalakin etodiara kede Akirot naka Edeke kitodiaritai. Etodiara eong kede atukos naepupi Emoyo loka Edeke.

84 Etodiara eong kede atukos naejeni ebe apukor Ngesi, naejeni ebe Nges ngopengol bian, lolo, ka ikar kere, naejeni ebe mam Nu eraas ikerep. "Erai Yesu Kristo Nges ngopengol bian lolo ka ikar kere." Etodiara eong kede atukos ngin kane, atibong na. Konye kereka, enyaritai kes ebe atukos naka luka ikerep, konye ebe atukos naka luitolitoluna, kanuka Akirot naka Edeke. Konye, "Mam eong erumitos ileic kanuka Eijiri loka Yesu Kristo, naarai erai apedor naka Edeke kiton aitajario," ido arai eong ediopet. Ajai eong kede kes kwape ebalua lokajaran loenerit eong nuke, kitogogongotai, Edeke erapiara kotoma ojautene loka akuan, kotoma okiliok ka angor. Oo!

85 Edeke kotoma akuan bobo, apukor elopet ka aitejenun neejaas Iketunga. Ekabaka lokapolon Loabu kojai Akeibuses. "Apak edit ido mam akwapin eanyunete Eong bobo. Abuni Eong arapiar kamakec. Konye ianyunete yesi Eong, naarai abuni Eong ajaun kayes, tomakus da, apak kere kiton awasia, aijulakin anyoun kaneejai Luther kiton Wesley, kiton ngaren ido ngaren, anyoun Aibuses toma Aibuses. Aroko Eong arai Edeke ngopengol loabu ajari, ido ajai Eong alosit abongor toma Aibuses nasodit." Aleluia!

86 Atiaiki Ngesi nginigalisit naka ediini, Nginigalisit naka aruo. Aruo ngin naebala ebe, "Oo, erai ngin aikerepikit," abu Ngesi kobelar cut toma ngun. Aruo ngin nabu kolom kangina, ebe, "Oo, itunga ngul emunauna akwes," abu Ngesi kobelar cut toma aigalisit ngin. Eebo, abu Ngesi kismama ngun. "Oo, mam yesi ipedori aswam ngun. Mam yesi iraaas idiobore dimarai atukos nuka luka ikerep." Abu Ngesi kobelar toma ngin. "Emamei ibore ngin ebe, aitangal naka Edeke." Abu Ngesi kobelar cut toma ngin, oo, ikatunga, naarai abala Akekirot ebe abuni Ngesi aswam ngun. Mam ijo ipedori aipikor Akirot naka Edeke.

Ido ebwoi Ngesi kanen, bobo, atibong na, Ekapikoron lokapedor, anyoun neabu Ngesi kotiaikina nginigalisit naka Methodist, Baptist, Presbyterian, ngolipone kere loka aigalisit. Eroko Ngesi ebwoi kakidingos naka Iketunga, atibong na, mam ipikoritos inonosio. Kinyek itunga inerata nuekotosi, kismamata nuekotosi, idiobore kere yenekotosi kesi. Ebuni Edeke, ebelitoi cut toma aigalisio ngun nuka aruo.

87 Ido kiitu, ebakai ebe, naebwangia edege aigalisit ngin naka aruo, emamei bobo aitikokinet neejai esipiidike.

Ajai eong alimokin yes, nakitiaikiniata yesi aigalisit ngin naka einono, ebe, "Ajai Yesu kau, ido emamei Ngesi kwana,"kiany ijo ebe Ngesi ngopengol bian, lolo, ka ikar kere, mam imarasi bobo nuepedori Edeke aswam kanepokane kotoma atukonokin kana, kosodi aitodikin akwap na ibore yenipudas kesi; mere akiro nuka akwap, konye aisikwaruunio naka akwap naebunio aileleb ka aibatis kede Ajakut naka Edeke lokajaran, en morphe erapiara kotoma akuan naka etunganan. Aleluia! Eyuunit eong ngin.

Atiaiki nginigalisit, nginirapiaret, nginigalisit! Emamei ibore yenepedori aibwa Ajakutuke. Arai kimielakinos itunga kotauonocek, ejai aigalisit ekapakina aitiaikin. Ipedori ijo agongakin neejai ngin. Abu ocil nginigalisit, kede Ekemoyo Lokalaunan lokaumokin!

Ido ebwoi Ngesi kane, atibong na, Ekapikoron lokapedor, nges ngopengol bian, lolo, ka ikar kere; kitangali lukadekak, ibatisai ikeyuunak, kwape duc eswama Ngesi. Erai Ngesi Ekapikoron lokapedor. Ejaas ajokin nuetubokinitai akerit. Eebo, ipa. Ekerete duc kesi, naejaar Ngesi aiboisit.

88 Agolokini, aticepak alimuni eong nu. Ajai e...Asiomit eong awaragat, ikar luipu kau, nuekamunitos ekaraman ajita. Ajaatar ngesi ajita namojongit nalosio agwelar. Ipupunitos yesi awaragat ngin, irwanapu. Ido akotoi agwelar ngin kanuka icebore. Kosodi ekagwelasan atemar atiar, "Ingai kainakini eong imwaasi ne?" Eyuunit eong ebe aponi koinakinai nges inusuo idis, aticepak apeesan akaisakany, arai icebore. "Olosi irwanatipet, olosi irwanaarei,..."

Kaitebeikin, konyouni etunganan kokau. Ebalu ebe, "Ipak edit ber." Abu konyou kosodi alemun ngin. Aoomoomata ber oni bala abu ngesi koramak ekosio lo;  
Ejai atapar naileleba Aokot,  
Nueleleunitos kamoori nuka Emmanuel;  
Kibirokinos ikadiakanarak toma atapar ngin,  
Ilotaros akecelimanakineta nuka adiakar kere.

Ido nakeperikina ngesi ngin kwap, amamei akongu naonit kotoma aiboisit. Kosodi ngesi atemar, "Ingaibo ekorakini?"

Abu ediopet kotema, "Ilukumin ikany." "Ilukumin itomon." Amamei bobo atiai. Inyobo? Abu ekapolon loka ajita kitodia ajokisike nakabeit.

Oo, onac, inac, kwana kinyek Ekapolon loka Akirot kana, Loewadikai Ngin, Emoyo Lokalaunan lokapolon, iketak akeuno kede amin, kosodi airiun ngin atorio otaukon.



Ejai atapar naileleba Aokot,  
Nueleleunitos kamoori nuka Emmanuel.

Ianyuni ijo ajokis naileleba, kosodi aanyun Edeke loepukoritai ebuni cut aideleleun. Ebe, erai Nges ngopengol kwape kajaar apak nakebunio kapaaran naka Pentekosit, toma otunga, neabu Ngesi kolacunor, "abukun" cut toma Ngin. Edolit ngin.

Ibala ijo ebe, "Onac Branham, atam eong. Atam eong. Eswama eong nu, ngun, kwa."

89 Apak adiopet ajai eong airiamun ko Carlsbad, New Mexico. Kasodete isio alosit laiye toma abua naati naka imienai kokwap kalaije. Ido asubit bala etukuriani kasodete adolore kwap ngina toma abaagat, abu ngesi kogweta akimiak. Ido, oo, ikatunga, inoma ber ijo eipone loamutonor. Erai...Emutono noi ipedori ijo apupun.

Ido ngol nges eipone loejaas apakio adolokin, nakisesenia oni ekanisa loakuroki amisiikin Akirot naka Edeke; nakisesenia ijo adwewok nuka Sion iswamaete koipone kalo kiswamata; nakianyunia ijo inacanawok luemasete esigala ka ajon, ido-ido iyalaete eyala lobang ka iboro, ido oroko etamitos aitingit alimoretekec kotoma Kristo. Oo, ikatunga, emutono. Amuton naejesi cuc.

Iseseni oni aanyunet naka Abongunike. Ebuni ajaun...Erai duc esawa loemutono kakere naperoko apaaran iwalara. Kolomuni do Aacerit Nakatupuruc kanu apukor apaaran, ka alingakin ngin, ka aitodun ebe ejai abunore. Komisiik.

90 Kotoma kangina, neagwetariata kesi akimiak ngun, ajai ipese yenididi yenabu kiluluk keporotoke kere. Ajai isapat ebwoi kosiep naka ekengarenikinan, kosodi ngesi aanyun ekengarenikinan ngol neagwetaria ngesi akimiak ngun koipone kangol. Ido aapikinit nepetai inac ngin ajaun kede ationis. Eluluei ngesi, kosomanar kwap ka kuju. "Oo! Inyobo elosi atupakin aiswamaun? Inyobo ationis? Inyobo ationis?"

Ijeni ijo inyobo ngol kiworo? Abala ngesi ebe, "Mam ikurana, inac. Ejai etunganan ne loepedori ainokokin akim."

Kopupok, inac, ipedori ijo aomit ebe idisiak oni ido ekidioko. Konye, mam ikuriana. Ejai etunganan ne Loepedori ainokokin Akim. Ngol nges Emoyo Lokalaunan. Biai yesi iyuunito ngin? [Kotemari atukos ebe, "Amen."-Ekewa.]

91 Ketuluroto akwesiwok ipak edit. Kitikoi eong kanu aisibo yes.

Wu Edeke lokapolon lokotoma Akuj, ijai Ijo apukor, aitodiar, aitejenun, kwape Ekabaka loka Aibuses, koyanga aitetemununeta nu, atibong na, kosodi ainakin ngun adoere toma otauon luka itunga. Ido aanyutu isio Ngol Loepukoritai, Ngol Loabu kobu kwap kosodi aicil aigalisit naka oyekalu; kosodi alomun kinga naka aigalisit kangin, kosodi abunore toma aigalisit naka akuan bobo, kotoma apaaran naka Opentekosit; erai ngesi ngopengol, ijulanakin anyoun Abuses kiton Aibuses.

Ido kwana ibongu bobo isio cut kwape bala esube kere, swamai bobo cut kwape Ikinyomit yenikageunet, anyoun cut kaneejai atur adiopet naka ekanisa kiton neejai nace. Ido kotoma atur nakawasia kane, ijai isio ne, abongun bobo neejai Ibore yenikageunet yenabu kodou kotoma Apak naka Opentekosit, kanu aitodolikin nginikirot Naiwadikaere, "Aica kotoma osawa lokatibong," ido "Aswamisio nueswamai Eong iswamaete yesi da," ka iboro luipu luabu Ijo kisumunikite kotoma Akirotokon.

Papa, arai ejai idiopet ne yenimam ebelara toma aingalisit ber, araibo arai ejai ice ne yenabu kituput icetunganan yenabu kolot toma aigalisit, koinak asianut atibong na, Papa. Koanyutu kesi Ekapikoron ngol ebwoi kane, ileleba asianut ka apedor, kanu aitim. Koinakinai ngin, Papa.

92 Ido kwape kituluritor akwesiwok kwap, epedori kereka kojai ice toma ne? Imwaasi bo ai, luapedori eong alimun ebe, luepedorete atemar, "Onac Branham, ajai eong aikeun akakan kuju. Kilipakinai eong"? Kinyikok aitulur akonikou kwap, kosodi aikeun akonikan, "Akoto eong abelar toma nginigalisit, kiton neapedoria eong abeit cut aanyun Ekapikoron." Kisirereng Edeke ijo. Ikatunga, akanin! Kokuju kobalasan, akan nakoteten? Kisirereng Edeke ijo. Kobalasan kiton kau? Ikeu...Kisirereng Edeke ijo. Koinakin cut kere etau kere. Akan nakokediany? Ikeu akonikan, kotema ebe, "Onac Branham, apedori eong arai Ikristayot adaun ikar, konye, cut abeit, mam eong alomunitor toma aigalisit ngin. Mam cut eong eswamator ngin. Mam eong adumunitor Ngun nuajaatar ngun kolo." Lolo, kijaar oni... "Arai eong irasit yenikokwap naka etolim."

Kolem ber ijo aturot naitopolounitai kokwap naka etolim, eyangaikini ijo aingainga ngin, adakit, aisik, aibuk akipi. Konye irasit ngin yenikabeit yenepoloi kokinga kangina kotoma amodingot, eceipone loka aturot, eputosi kede ngin; mam edumuni akipi adis da, konye emameete ijekel luelomakinete nges. Eninik ngin. Erai ibore ilopet.

93 Ijo ipedori aitirian Ekristayone kede Ekristayone lolo, kede nuarai kolo? Inoma ber ijo atukos na, nainyarit oni ebe Ikristayon lolo, anatar akwap kere, aput kwape bala ngul luka Opentekosit; aingaingait

ka aremit, ido anyoun kokanisa ediopet kiton loce, ido, arai elimun ibore yenimam ijo ikoto, konyouni kosodi alomar kinga? Ido, oo, ipedori ijo aomit ngun? Mam. Inyobo ationis? Erai aputoke.

Michelangelo, loabu kosub aput naka Musa, ipedori aiswamaun aputoke, epatana noi. Konye, ibore ilopet yenikageunet?

Etunganann loabu kocul Ainyam Lukatibong naka Ejakait, aomit eong aicul alopet nasodit eyangaikini ti ijo imilionin luka idolai, korai ti ijo agwel. Mam ber eong ajeni da aiboisit naejai. Konye ipedori ijo agwel aceitupuset naedit etiai naka ngin nepetai edola ediopet ka inusuo akaisakanykauni ka lukanykauni. Ipedori ijo.

94 Ido eipone ngol nges ejaar lolo. Ekristayot loedit etiai, aitupuset, ekalomaran okanisa, ipedori ijo agwelun kes kinga kede esigala arai-arai ibore yenimatat. Araibo, kanuka aberu kede itim luetubub arai akituk naeculul, ipedori ijo agwel ngin kanuka idiobore kotoma ijesesio luka akwap. Konye mam ijo ipedori atiror ngol lokabeit.

Aseseni eong Nges kotoma aidelel naileleba, nges ngopengol bian, lolo, ka ikar kere.

Oo, Ekristayot, mam kereka ijo ikoto araut Ekristayot obe? Ido arai ejai ice yenimam abu ikeunite akonikan, ijo ibuni aswam ngun? Eebo, alosi eong ailip. Kisirereng Edeke ijo. Kisirereng Edeke ijo. Oo, ejok ngin noi. Kosesen ber ijo ngun.

95 Papakosi lokotoma Akuj, "Mam Akirot ebongin neijai Ijo titai." Ijo nges ibu kijaik aisumunet. Ikamunutos bon eong akiro nuka alimun ebe ilimunit Ijo Ngin. Ajai bon eong ainyogokin Akirokon. Ibala Ijo ebe, "Ngin yeniirari Akairot, kosodi aiyuun Ngol lokejukuni Eong, ejaas ka Aijar Namam Edaun." Isumunikit Ijo ngin.

Ido, Ejakait, ijeni isio ebe kijaar isio iketuputok lolo, luipu luebalas ebe iyuunito, konye kereka, komam kes iyuunito. Itoduna ngin. Konye, Ejakait, ejai ibore yenikabeit, da.

Elipit eong ebe iinakini Ijo, kotoma kane, atibong na, ebe nginikiliokit ka aberu, esapat arai apese, mamace akwap naelomunitotor, eriaigikec, ekanisa loejaas kesi toma, Wu Edeke, ileleb kes. Koanyutu kesi aitodiaret obe naka Yesu Kristo lolo, cut kakidingosikosi, kwape kajaar Ngesi kotoma Apaaran naka Opentekosit, neabu Ngesi kopukoror kanuka atur kana, kwape Emoyo Lokalaunan. Koinakinai ngin, kwape kisesenia ebe etodolikin Akirot, etodolikin adwaranuto!

96 Itiriani isio, lolo, loenyaritai ebe ekanisa loka akwap kangina, Atukot naka Aimorumorun naka Ikanisan, kasodete aitirian ngun kede aisumunet kotoma Opentekosit? Emamei arucokina, cut. Mam isio ipedori adumun ailotario naka inapenekosi luipwokuna kotoma atikit kangin.

Konye Ejakait Edeke, arai ibuni isio abongun neejai Atapar ngin, ejai ngina ailosio, kosodi aijenekosi ka Akirot naka Edeke aupakin adiopet kanace. Kwangin, ipedori do isio aiburaun nuibeitos isio. Koinakinai ngun, Ejakait, atibong na, kwape ketitingikina eong itunga lu akaninikon. Koinak neejai nginidiopet nuipuda isio, Papa. Kilipit isio Kokiror loka Yesu. Amen.

97 Kisirereng Edeke yes. Eyalama, noi, kanu aibwo, kidaritos adaun aojau. Ido elipit atimio abu eong kesiibo yesi kiton adakikan atomon ekaulo kangun. Ejaun Edeke kayes kiton eong aanyun yesi tupuruc. Enyakari kwana eong aijaanakin neejai, aomit eong, neejai ekapolokiniton ainapeta.



[www.messagehub.info](http://www.messagehub.info)

Nuelimonokinit

**William Marrion Branham**

"... toma apaarasia nuka eporoto..." Apuk. 10:7